

„Droschak“

ORGANE

de la Fédération

Révolut. Arménienne.

ԴՐՈՇԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԳԱԶՆԱԿՑՈՒԹԵԱՆ“ ՕՐԳԱՆ

ՄԱՀԱԲԵՐ ՊԱՏՐԱՆՔ

Ցրենք վերջապէս մահաբեր պատրանքը! Ժափանակ է նողկանքով երես գործնենք թիւրք պաշտօնական շօղու բորթ ժպիտներին, որոնք ամենէն վտանգաւոր դաւերն եղան մեր ժողովրդի գոյութեան դէմ: Երիտասարդ թիւրք կառավարութիւնը չորս տարուց ի վեր քայլ առ քայլ սիստեմատիկ կերպով կատարեց բոլորը, ինչ պէտք էր մեր անկեղծ հաւատի թեւերը բրաբրէն փետեղու, մեր անկերպաս ու շիտակ վստահութիւնը արիւնի մէջ տրորելու և իրաւունքի ու արդարութեան մեր յոյսերը ոճրաշունչ ցուրտ հողմերին տալու համար:

Ոչ մի դառնութիւն չմնաց, որ չճաշակէինք և ոչ մի ցեղային անարգանք, նախատացում, որին չ'ենթարկէր հայ ժողովրդի արդարամիտ համբերութիւնը: „Սահմանադրական“ Թիւրքիան, Արդիւ-Համիդի չարակամութեամբ ու դիւական եռանդով զինւած, բայց նրանից աւելի նենգօրէն և աւելի մեթօղով այս չորս տարուամ հայ ժողովրդի արիւնը ծծեց վամպիրի պէս, նրա անդարձ կորստեան վիճը փորեց և մենք՝ ազնւօրէն դիւրահաւատներ, պատրանքներով աչքերնիս չլացած՝ անզգալիօրէն քայլ առ քայլ գէպի այդ ճակատագրական անգունդը դիմեցինք:

Ցրենք վերջապէս այդ մահաբեր պատրանքը!

Զխաբենք մեզ և չխաբւինք ուրիշներին:

Այսօր ճակատ առ ճակատ կանգնած ենք ամենագաժան, սարսեցուցիչ առեղծաւոր առաջ, Հայ ժողովրդի լինել չլինելու խնդիրն է հրապարակի վրայ, կամ այսօր նա պիտի ապահովի իր ազգային գոյութիւնը իրական երաշխիքներով կամ պիտի պատրաստի, որպէս քաւութեան նոխազ, վերան Թիւրքիայի աւերակների տակ թաղւել:

Միջին ճամբայ, միջին ելք չկայ:

Արիւնոտ մղձաւանջը կրկին թանձրանում է ու ծանրանում և հին եղեռնը իր կարմիր աչքերը վերստին մեխել է հայի տառապած թիկունքին: Խաւարի մէջ դարբնող դժոխային դաւը հայ ժողովրդի դէմ այլ ևս գաղտնիք չէ, թիւրք կառավարութիւնը — երիտասարդ թիւրքեր — այլ ևս պէտք չի զգում սքողել նիւթաւոր ոճիրը:

Ներքին գործոց նախարար Հաճի Ադիլ բէյ, որ դեռ երէկ Պոլսից Ադանայի ջարդի ազգանշանն էր տալիս իր դիւական հեռագրով և որի խղճի վրայ տակաւին եռում է քսան հազար անմեղ հայերի տաք արիւնը, այսօր էլ ջարդերի սպառնալիքի, այս սոսկումների օրերում, դրութեան տէրն է:

Ինչ եղեռնական զուգադիպութիւն:

Եւ սրան՝ Ադանայի այս գարշելի արնպարաին է գնում պատմելու հայի տառապանքը հայ պատգամաւորութիւնը: Ու Հաճի Ադիլ բէյ մի ցինիզմով որ իր միակ ու տիւր պատիւն է, հրաժարւում է լսել հայ աշխարհի ցաւագին ճիչը, որովհետեւ նա տառնց այն էլ գիտէ, ծանօթ է, իր և իր ընկերակիցների գործունէութեան անխուսափելի արդիւնքին: Չգիտես հայ պատգամաւորութեան անյոյս անձարակութեան, նրա աններելի լաւատեսութեան վրայ զարմանա՞լ, թէ թիւրք նախարարի լպիրշ բացերեսութեան:

Մէկի ստրկամիտ, անարի մտայնութիւնը, միւսի անպատկառութիւնն արժէ:

Զորս տարուց ի վեր հայ ժողովուրդն ապրում է ամենօրեայ անարգանքի, սոսկումների ու արիւնի մէջ, շնորհիւ Հաճի Ադիլ բէյերի և հայ պատգամաւորութիւնը դեռ հնարաւոր է համարում այդ դահիճներին մեր նւիրական տառապանքը պատմել:

Զորս տարուց ի վեր՝ ինչպէս Կարմիր Սուլթանի օրով, հայ աշխարհի մի ծայրից միւսը՝ կանանց տուեանգումը ու բռնի իսլամացումը, սպանութիւններ ու գաղթ, հարստահարութիւն ու հողերի գրաւում յաջորդում են իրար ամեն օր: Քրդական հօրդաներ ու կառավարական պաշտօնեաներ, իսլամ խուժան ու զինւորականներ ձեռք ձեռքի տուած ոճրագործ եռանդով, անպատիժ առաջ են տանում հայ աշխարհի աւերածի գործը և հայ պատգամաւորութիւնը գնում է արդարութիւն հայցելու Հաճի Ադիլ բէյից, որի ձեռքերի վրայ դեռ չեն չորացել Ադանայի հայ մանուկների արիւնը:

Եւ հայակեր նախարարը մերժում է լսել այդ ամօթալի, այդ նախատացուցիչ աղերսը: Իրաւունք ունի. ջարդարարին չեն դիմի արդարագաւորութիւն և իրաւունք փնտրելու, ինչպէս գայլից չեն հայցում գառների փրկութիւնը:

Թիւրիմացութիւն չկայ. ցրենք պատրանքը և աչքերնիս լայն բանալք: Երիտասարդ թիւրք կառավարութիւնը,

որի թերևս հարազատագոյն ներկայացուցին է Հաճի Ագիլ բեյ, բացարձակ կերպով հետապնդում է մի նպատակ, որ դեռ Արգիլ-Համիդն է ծրագրել—շտապով դատարկել Հայաստանը հայերից հրով ու սրով, հայ գաւառները լցնել մուհաճիւրներով և իսլամական միապաշար, կուռ պետութիւն ստեղծել: Դրա համար, քաղաքական այդ նենգ նպատակին հասնելու համար են կոտորում, թալանում հայերին, իսլամացնում հայ կանանց, գրաւում հայ հողերը: Դրա համար են զինում, կազմակերպում քրդական հրոսակները, անօրինակ ապօրինի հարկերով աւերում հայի տնտեսութիւնը: Դրա համար են խլում հայի ինքնապաշտպանութեան յետին զէնքը, զինւորութեան անունով փճացնում, կամ ցրում, հեռացնում երկրից ողջ երիտասարդ հայ սերունդը: Եւ քաղաքական այս անասելի ոճիրը յաջողութեամբ գլուխ տանելու և արտաքին արգելքները վերացնելու համար նոյն թիւրք պօլիտիկանները եւրոպական կաբինետների շէմքերն են մաշում և աշխարհի հզօրներին «բախշիչներ» բաժանում Պարսից ծոցից՝ մինչև Ադանա ու Մերսին, Տրապիզոնից մինչև Սիրիա ու Արաբիա:

Երեսուն տարւայ *carte blanche* են խնդրում մեծ պետութիւններից Հայաստանը դատարկելու և թիւրք մուհաճիւրներով լցնելու համար:

Իմաստուն է այս քաղաքականութիւնը նոյնիսկ թիւրք պետականութեան տեսակէտից, հնարաւոր է ոճիրներով, աւերածով թիւրքիայի վերածնութիւն, դա այլ խնդիր է: Թիւրքական հինաւուրց տխուր մտայնութիւնը այս հարցերին տւել է դրական պատասխան. թիւրքական ամբողջ պատմութիւնը ջարդից դուրս այլ պետական ըմբռնում չի ծանաչել, իսլամականից դուրս՝ այլ սկզբունքով չի առաջնորդւել:

Ջարդ ու իսլամ...

Այսօր էլ այս մարտակոչն է, որ բթամիտ, յանցաւոր յամառութեամբ ունում է թիւրքօքրդական խուժանը, հնազանդ Պօլսի պօլիտիկանների թելադրանքին, երբ արդարութեան և իրաւունքի խօսք է բաց անում րայան:

Անօգուտ է, ի զուր է պետական առողջ տրամաբանութեան, պատմական երկաթէ օրէնքների, պետական աւելի արդար ու աւելի հաստատուն ըմբռնումների դասեր տալ, բարոյներ կարգալ ղարդ ու իսլամ՝ սկզբունքով դաստիարակած թիւրք վարիչներին: Գլուխներ կան, որոնց խորքում իշխող խաւարը ամենավաւ լոյսերի ցոլքերի հանդէպ աւելի դիմացիուն է, բան բարձրագոյն լեռնակատարների յաւերժական ձիւնը արևի շողքերի առաջ: Այսպէս են թիւրք պետական գլուխները, որոնց վրայից, ինչպէս ժայռերի վրայից՝ ծովի ալիքները, անցել են դարերի փորձութիւնները առանց իմաստութեան հետք թողնելու:

Քարացած այս մտայնութեան հանդէպ անօգուտ է խորհուրդը, անզօր խրատը, ամենաիմաստուն ու բարեացակամ խրատն ու խորհուրդը:

Պիտի կարողանա՞ն արդեօք թիւրք մոլի վարիչները իրենց իսլամական ուշացած ցնորքն իրագործել, պիտի յաջողեցնեն՞ արդեօք թիւրքիայի գահավէժ կործանումը խափանել և մի ամբողջ ժողովրդի՝ հայ ժողովրդի՝ բնաջնջումով ու արիւնով ամրապնդել ու վերստեղծել մի կուռ մահմեդական պետութիւն: Սա մի հարց է, որի մասին մարգարէանալու պատիւը ձգում ենք երիտասարդ թիւրքերին:

Ինչոր սակայն հաստատապէս կարելի է պնդել, այդ այն է, որ երիտասարդ թէ հին թիւրքեր ապահովապէս պիտի յաջողցնեն հայերի բնաջնջումը, Հայաստանի անդարձ աւերածը, եթէ Հաճի Ագիլ բեյերին հնար տրւի նոյն տէմպով, նոյն անպատիժ յանգնութեամբ առաջ տանել իրենց բարբարոս գործունէութիւնը և եթէ աւելի զօրաւոր, աւելի արդար ֆակտօրներ չգան բռնելու այս մարդակներին յանցաւոր բազուկները, սանձելու աւերիչ կատաղութիւնը, խափանելու այս չարագործ, այս արիւնոտ քաղաքականութիւնը:

Անօգուտ է պատրանքը և ժամանակ է դէն շարժել կեղծիքի, ժպիտների, նենգ հաճոյախօսութեան ու շողորթութեան դաւաճան բօլը և բաց աչքով նայել մեր ցեղային գոյութեան սպառնացող ահաւի վտանգին, որ մեր դուռն է բաղխում, հայի աւեր ու խոպան խրժիթ դուռը:

Եւ եթէ աակաւին հնարաւոր է տեսակցութիւն, խօսք ու զրոյց թիւրք նախարարների հետ, ապա դա պիտի լինի վերջին անգամ և միայն ասելու համար հետեւեալը.

«Լսեցէք փաշա՛, և՛ դուք և՛ ձեր բոլոր նախորդ ու յետնորդ փաշաներ ու բեյեր. հարկւր հազարաւոր զոհերից յետոյ՝ մենք դարձեալ անկեղծօրէն մեր բախտը կապեցինք ձեր բախտին և մեր շահը այս պետութեան բարգաւաճման մէջ փնտրեցինք: Մեր վաստակից, մեր արդար քրտինքից յետոյ՝ այս երկրին զոհաբերեցինք նաև մեր զաւակների արիւնը, որ այնպէս առատօրէն հոսեց պատերազմի դաշտերում: Ըխտակ ու անձնէք քաղաքացիներ եղանք ու խղճմիտ, օրինապահ անգամ բացարձակ ապօրինութիւնների ու անասանձ անիշխանութեան այս օրերում: Արդարութեան վիրաւոր զգացմունքը մեր հոգում և ըմբոստութեան ճիւղ մեր շըրթութիւններին խեղդեցինք մի անօգուտ ու անպտուղ համբերութեան ապաստանած:

«Եւ մենք խաբւեցինք ամենաանարգ, ամենատմարդի կերպով: Արդ այսուհետև անօգուտ են մեր անկեղծ ճիգերն ու զոհաբերութիւնները, քանի որ դուք հակադրում էք թիւրք պետութեան շահերը, մեր ազգային գոյութիւնը. ի զուր մեր շիտակութիւնը, երբ մեր չորս կողմում միայն կեղծիք է, խաբւեայութիւն, դաւ ու ստութիւն:

«Չենք հաւատում ձեզ, ձեր խոստումներ, ձեր անուշ խօսքերին, մանաւանդ ձեր ժպիտներին, որովհետև դառն փորձով գիտենք այդ բոլորի արժէքը, որովհետև ձեր իւրաքանչիւր խօսք ու ժպիտից յետոյ, ձեր իւրա-

քանչիւր խոստովից յետոյ՝ հայ աշխարհում մի քանի տներ են աւերուում, մի քանի անմեղներ խողխողում, մի քանի կանայք առեւանգուում են որչափ մեծ է «անկեղծութիւնը» ձեր խոստման, նոյնքան մեծ ու բազմազան են լինում հայութեան դէմ գործուած ոճիրները:

«Զենք հաւատում ձեզ, և այլ ևս չենք կարող հաւատալ, որովհետեւ հակառակ ձեր խոստման և մեր դիւրահաւատութեան, դուք Արդիւ-Համիդի հաւատարիմ ժառանգորդները, եռանդուն աշակերտները հանդիսացաք:

«Զենք հաւատում ձեզ և չենք կարող հաւատալ, քանի որ ձեր պեռական ըմբռնումը միայն ոճիր է, ձեր մտայնութիւնը՝ միմիայն իսլամական, ձեր հետապնդած բաղադրականութիւնը՝ վայրագ, անողորմ, յանցագործ, որ մեր ժողովրդին կորստեան անդունդն է փորում:

«Զենք հաւատում ձեզ, չենք կարող այսուհետեւ ձեզ

վստահել հայ ժողովրդի ապագան և նրա փրկութիւնը փնտրելու ենք միմիայն Եւրոպայի խոսափած իրական երաշխիքների մէջ, որովհետեւ ձեր ծրագրած ընթացիկները մեզ սոսկում են ազդում, որովհետեւ մենք մի անգամ արդէն ճաշակել ենք այդ ընթացիկների դառն պտուղները 1895—96 թւերին ձեր արժանաւոր նախորդ Շաքիր փաշայի ձեռքով:

Ահա թէ ինչ պիտի ասուի թիւրք կառավարութեան եւ մի ազգային ժողով, որ ազգային այս եղակի ու վերջնական առգնապին անկարող է, արիութիւն չունի այս լեզուն գործածել և պիտի ցածօրէն գնայ Հաճի Ադիլ բէյերի արդարագատութեան զգացմունքին դիմելու, այդպիսի ազգային ժողովը երկչոտների մի տիպոր ու անպատիւ համախմբումն է:


Ցրենք վերջապէս մահացու պատրանքը!

Ր Ա Յ Ֆ Ի

(ՄԱՀԻԱՆ ՔՍԱՆԵԻՆԻՅ-ԱՄԵԱԿԻՆ)

Քսանեհինգ տարի առաջ էր և սակայն՝ յիշում եմ ինչպէս այսօր հայ գրականութեան տիտանի, հայկական շարժման հոյակապ ռասֆիւրայի մահը: Այն ժամանակայ գիտակից սերունդի համար Բաֆֆիի մահւան լուրը ազգային մի նշանաւոր գործէի կորուստեան բռնի չէր միայն, այլ մի ահագին շարժանքի ազդեցիկ ահագին, որ լայն արձագանքներով փռւեց ու հասաւ գաւառները, թափանցեց հեռաւոր խրճիթները, ուր կար թէկուզ մի հատիկ գրագէտ ու գիտակից հարկավոր հայ մտաւոր կենտրոնի — Թիֆլիսի զգացած ցնցող խռովքը լայն ծփանքներով կրկնեց գրեթէ իւրաքանչիւր գաւառական հայ կենտրոնում և երիտասարդ հոգիների մէջ գաղափարական խռճապի ասեմ, թէ տագնապի կերպարանք առաւ:

Մենք՝ գաւառի մաւորականներս, որ յաճախ պարբերական թերթերից դուրս՝ մտաւոր այլ սնունդ չունէինք, տարիներ շարունակ ապրել էինք Բաֆֆին, զգացել, խորհել Բաֆֆին: Ցարիներ շարունակ նրա անունով կախարդւած՝ լուռ, երկիւղած, յափշտակութեամբ ընթացել էինք նրա յետեւից ու թերթից թերթ էինք անցել, նայելով, թէ ո՞ւր էին լոյս



Բաֆֆի

տեսնում նրա գլուխ գործոցները քննադատութիւն չկար, մեր փոյթը չէր, թէ ինչո՞ւ վարպետը «Արձագանք» թերթից «Մշակ» և յաճախ սրանից էլ կրկին առաջինին է դառնում, հակառակ նրանց հակոտնեայ ուղղութեան: Մշակական էինք յամառ, անվերապահ,

Արծրունու մոլի պաշտողներ, բայց պետք էր կարգաւ Բաֆֆին, ուր և գրելու լինէր նա Մեն-մենակ, ինչպէս արծիւ՝ նա իշխում էր հայ գրական բարձունքների վրայ և այնտեղից նրա խօսքը վարարուն յորձանքներով իջնում, ողողում էր հայ կեանքի ամենամթին խորշերը: Բաֆֆին ինքնին մի հսկայ երևոյթ էր, հայ կեանքի ամենէն ցայտուն, ամենէն պարարիչ երևոյթը, որին ակնապիշ յառած էին այնքան հայացքներ: Իւ անհնարին էր երևակայել հայ իրականութիւնն առանց Բաֆֆիի, ինչպէս անկարելի է տաճարի պաշտամունք, առանց քուրմի: Բաֆֆին Արծրունու պէս ութսունական թւականների քուրմն էր: Բաֆֆի և Արծրունի մեզ գաւառական մտաւորականների համար հոյժալի, համարժէք էին մէկն իբրեւ վիպագիր, միւսն՝ իբրեւ հրապարակախօս:

Մի հրապուրիչ պատրանք, որ հիւսւել էր Բաֆֆիի անւան, նրա երկերի, նրա խոհերի շուրջը, պաշարել էր նաև ընթերցող սերունդին. ու թւում էր, թէ Բաֆֆին, իր մոգական գրչի հզօր թափով, առանց որեւէ կողմնակի

ճիգերի, որ աւուր, բայլ առ բայլ մեզ մօտեցնում է Մեծ Գաղափարին, վերից՝ վար, յեղաշրջում, վերստեղծում է հայ կեանքը, խտացնում, շօշափելի է դարձնում մեր հոգիներում տարտամօրէն յեղ- յեղուող դիւթական երազները: Թւում էր, թէ Բաֆֆին չպիտի մեռնի, նա չի կարող մեռնել, մինչև չափսնի իր հսկայ գաղափարի իրագործումը, հայ աշխարհի արշա- լոյսը, որ կարծես ինքն էր դուրս բաշում իր մոգական խօսքի զօրութեամբ, իր հերոսների անընկճելի կամքով:

Եւ քանի կենդանի էր նա, քանի հնչում էր նրա սրտապարար, դիւթիչ ձայնը, այնպէս մօտ, այնպէս հեշտ էր թւում այդ բոլորը:

Ահա թէ ինչու նրա յեղակարծ, յանկարծաս մահը կսկիծից աւելի խորունկ ապշութիւն ու զարմանք յարուցեց մեր մատաղ հոգիներում: Մենք՝ որ մանուկ ու բուռն հաւատով փարել էինք նրա անւան, որպէս լուսատու փարոսին, մենք՝ որ աւակաին անկարող էինք զատել գաղափարական քարոզը կենդանի իրականու- թիւնից ու նրա հերոսների, նրա մարտնչողների հետ արդէն խելայեղօրէն ապրում էինք ազատութեան յաղ- թանակները հայկական բարձունքների վրայ, յանկար- ծակի եկանք, շարունակ մնացինք հայ կեանքի վիթխարի քաղաքական առեղծաճի առաջ, երբ այլ ևս չկար մեծ պատգամախօսը:

Բաֆֆին մեռած... ապա մեր երա՞զը... մեր մեծ երազը, ազգային ազատագրումը, որ այնպէս սերտ կեր- պով հիւքւած էր նրա անւան:

Բաֆֆիի հետ մենք մանկօրէն ապրել էինք յափշտա- կիչ ցնորքներով, նրա մահով վրայ հասաւ ցուրտ, խո- հուն զգաստութիւնը: Քարոզիչը չկար այլ ևս, բայց կար նրա խօսքը, հզօր, անդիմադրելի ու այնպէս կա- խարդէչ: Ապա կամաց կամաց ցրիւ եկաւ մշուշը, և Մեծ Գաղափարը յստակօրէն ծրագրեց մօտիկ ֆօնի վրայ Տարիների թովիչ պատմանքը շամանդաղի պէս տեղի տեց պաղ մտածումին ու պարզեց հեռանկարը— մի ստրկացած, հարստահարած, աւեր աշխարհ, մի տրորւած, տառապող ժողովուրդ, որ անյայտութեան ու խաւարի մէջ հեծեծում է ու մեռնում հնազանդ իր սե ճակատագրին, Բաֆֆին չէր փրկել այդ աշխարհը, այդ ժո- ղովուրդը, Բաֆֆին փրկութեան կոչն էր, կեանքի մի հզօր աղաղակ: Շնորհիւ Բաֆֆիի, հեռանկարը թէև դաժան, բայց էլ խաւար չէր. և այդ հեռանկարի վրայ այժմ բարձրանում էր մի կուռ մտածում, մի հուժկու, հպարտ կամք, որ ճգնում էր լինել և որ տիրաբար իշխում էր մեր հոգիների վրայ, մեր լաւագոյն կորովը մարա- կում, մեր ամենէն ըմբոստ իղձերը կերտում, կաղա- պարում:

Բաֆֆիի շունչն էր այն...

Եւ դաւուկ, դանդաղաշարժ մասսաների ծոցից իսկ եռում, բարձրանում էին կարօնները, Ասլանները, Խեն-

դերը, Որսորդ Աւօնները, ինչպէս մարմարի կոշտ զանգ- ւածներից ճարտար վարպետի հարւածների տակից բարձ- րանում են հոյակապ ձևերը, այն անգամ կենդանի, իրական և ոչ մտացածին:

Եւ անակնկալ կանխահաս մահը վաղաժամ խլելով Բաֆֆիին հայ իրականութիւնից, փայլուն լուսապսակով պատեց նրա խոհուն ճակատը ու նրա հրաշակերտ խօսքը դարձրեց էլ աւելի հմայիչ, էլ աւելի տիրական ու խորհրդաւոր:

Համարձակ կը լինի՞ արդեօք ասել, որ այսօր էլ, ինչ- պէս քսանհինգ տարի առաջ, Բաֆֆին տակաւին չի կորցրել իր հրապոյրը, որ նա շարունակում է իշխել մեր անձնուրաց, գաղափարապաշտ սերնդի ամենէն առողջ մտածումների, ամենէն հարազատ ներշնչումների վրայ և որպէս գաղափարաքարոզ վարպետ տակաւին չի զիջել իր տեղը որևէ այլ գրագէտի:

* *

Ո՛ր է գաղտնիքը այս սքանչելի կախարդանքի. ինչով այս եզակի մարդը կարողացաւ այնքան երիտասարդ կամքեր թովել, այնքան կորովի ձգտումներ յարուցանել նոյնիսկ ամբոխների ծոցում. ինչպէ՞ս կարողացաւ նա այնքան մատաղ հոգիները գերել ու վարել ըստ իր քմահաճոյքի, զոհաբերութեան պաշտամունքը, կեանքի գերագոյն իդէալ ու խորհուրդը դարձնել և նրա առաջ ծուկի բերել հայ աշխարհի ամենէն ընտիր զաւակներին:

Բաֆֆիի խոշոր ազդեցութիւնը ոչ նրա երկերի գե- ղարւեստական բարձր արժանիքի մէջ պիտի փնտրել, ոչ նրանց վարպետ, յափշտակիչ կառուցածքի և ոչ այն յստակ, պարզ, հասկանալի լեզուի, որ հաւասարապէս մատչելի է գրագէտին ու ռամիկին:

Նրա բարձր արժանիքը, նրա անօրինակ հմայքը փնտրելու է նրա իդէականութեան մէջ, որ այնպէս զուգադիպում, նոյնանում էր հայ ժողովրդի հոգում կերպարանաւորուող կարելիութիւնների, ձևակերպուող մտորումների հետ: Մեծաքանքար ու բեղմնաւոր վիպա- գրից աւելի՝ նա մի տեսող էր, յստակ ու խորաթա- փանց հայեացքով: Եւ նոյն հոյակապ իմաստութեամբ, որ յատուկ է իսկական անսողուններին՝ Բաֆֆին,— ինչպէս և հայ շարժման ողջ պլէադը, Գամառ-Քաթիպա, Արծ- րունի, Խրիմեան ու Վարժապետեան— կարողացաւ ընտ- րել իր խօսքը, և այդ խօսքն արտասանելու ճիշտ մօ- մենտը: Նա իր ցեղի վիրաւոր խղճի արտասովոր խտ- ցումն եղաւ, ուր եկան բեկբեկելու, արտացոլելու հայ ազգի նորագոյն ու լաւագոյն ձգտումները, նրա նոր հաւատամբը, նրա սնուցած յոյսերը: Իր երկերի խոհուն խաղաղութեան մէջ, առանց կրքոտ բաղնուքների առանց աղմուկի, գրեթէ բնազդօրէն, նա կարողացաւ հայ ժողովուրդի տառապանքի խորութիւնը չափել, հինաւուրց վերքը լայն բանալ և որ գլխաւորն է, սպե-

ղանին, փրկութեան իրական ճամբան ցոյց տալ իր առնական ըմբռնումով:

Անկասկած՝ Բաֆֆին մենակ չէր որպէս ազգային Մեծ Գաղափարի քարոզիչ ու դարձնող, ժողովուրդների կեանքի պատմական խոշոր շրջանները մի անհատի գործ չեն, որքան և հանճարեղ լինի նա. հայ բանաստեղծութիւնը, հայ ժողովրդական երգը, հայ հրապարակախօսութիւնը և նոյնիսկ հայ հոգեւորականի ձայնը ազգային զարթոնումի հզօր ազգականներ էին: Գ. Բաթիպայի «Ազատ երգերը» թունգ էին հանում զգայուն հոգիները, Արծրունին իր «Մշակ»-ով թիւրքահայ ազատագրութեան աննկուն զօրավիգն էր, Երեմիայի պատմական վէպերը գերում էին երիտասարդ սերնդի երեակայութիւնը, խրիմեան ու Վարժապետեան, որպէս ցեղի փրկութեան կենդանի խորհրդանշաններ, պաշտւում էին հայութեան լայն խաւերում և յետոյ ուրիշները, աւելի նազ յայտնի, որոնցից իւրաքանչիւրը իր էութեան լաւագոյն մասն էր զոհաբերում Մեծ Գաղափարի իրագործման: Սակայն, այս բոլորի մէջ Բաֆֆի տեղն ուրոյն է և նրա կատարած դերը եզակի:

Բաֆֆին առաջինն եղաւ, որ այլաբանութիւններից, մութ անարկներից, զգուշաւոր, յաճախ երկչոտ քարոզներից անցաւ պարզ ու վճռական խօսքի, առաջին անգամ վերքը ցոյց տալուց յետոյ՝ ցոյց տեսնաւ դարմանը... կուր ճամբան:

Եւ յետոյ՝ ոչ որ նրա պէս կարողացաւ խտացնել, յստակօրէն ձևակերպել ու ցուցադրել հայութեան տարտղնած ու տարտամ տենչերը, նրա անորոշ ձգտումները, ինչպէս և զարթոնող՝ բայց տակաւին յօրանջուն ազգային գիտակցութիւնը Մի ամբողջ սերունդ՝ 80-ական թւականների կուռ, իդէապաշտ և գերազանցօրէն հարազատ սերունդը հեկհեկ ապրեց Բաֆֆի շնչով, ակնապիշ մնաց նրա շրթունքին իր ճամբան ընտրելու և իր կեանքի, պատգամները լսելու՝ որպէս մարգարէի, տեսողի շրթունքներից:

Եւ պատգամը, որ հնչում էր ուժգնօրէն, անվերապահ ու վճռական նրա բոլոր երկերում, նրա բոլոր հերոսների խօսք ու զրոյցի մէջ՝ մի հատիկ էր — ապրելու համար պէտք է նաև գիտենալ մեռելը: Նրա բոլոր գլուխ գործոցները, պատմական վէպ, թէ ժամանակակից յղացումներ, «Սամուէլ» ու «Գաւիթ բէգ», «Խամսայի Եփրեմութիւններ» թէ «Պարթեր» ու «Ջալալէդդին», իրենց արտաքին պէսպէսութեան, բազմազանութեան տակից վեր էին հանում ազգային վերածնութեան, ազատ անկախանդ կեանքի բուռն տենչ և բոլորի մէջ հնչում էր մի հզօր կոչ, դէպի ազատութիւն միմիայն պայքարի միջոցով: Առնական, կորովի, տղամարդութեան մի գրականութիւն էր այդ, որ խտրողում, շոյում էր արիութիւնը, բորբոքում երիտասարդ աւիւնը, գրգռում բարձր փառքի ծարաւը և մարտական առա-

քինութիւնը սրբագործում, բարձրացնում իշխող դաւաճող խեղճութեան, անփառունակ համակերպման, կղերամիտ ու կղերական նախաացուցիչ հնազանդութեան բորբոսնած մթնոլորտից շատ վեր: Վարարած յորձանք էր նրա խօսքը, որ զարկւում էր հայութեան վրայ ծանրացող դաւաճող բռնութեան և գործի, պայքարի կոչում բոլոր արժանիքով լի, կամքով հարուստ և գիտակցութեամբ բարձր անհատականութիւնները:

Եւ այդ կրակ խօսքի համար ընտրած մօմենտը գերազանցապէս հրահանգիչ էր: Արգէն Իսրայէլ Օրիի թողած և այնքան անգամ փորձւած դիւանագիտական աւանդութիւնը վերջնականապէս թաղւել էր Բերլինի կոնգրէսում հայկական դիւրահաւան յոյսերի հետ. 61-րդ տխուր յօդւածը աշխարհի հզօրների հեգնանքն էր չպտուած մեր տառապանքին: Եւ խրիմեան յետ էր գալիս այդ կոնգրէսից դառնացած հոգով հայ աշխարհին տեսնու համար, թէ «կեանքի հարստայի մեծ կաթսային թղթէ դգալներով չի կարելի մօտենալ»:

Հարկաւոր էր փրկութեան նոր ճամբաներ, նոր հնարներ մտածել: Այս մտահոգութիւնը ընդհանուր էր. հայկական շարժման բոլոր կորովի ռահվիրաները խրիմեանի հետ ուժգին կսկծիքով զգացին դիւանագիտութեան պատճառած ծանր հիասթափութիւնը և իւրաքանչիւրի հոգում դա անդարձ յեղաշրջումն էր դէպի ըմբոստութիւն. ազգային հոգեբանութեան այս եզակի մօմենտն է, որ յաճախ կամաւոր կուրուրեամբ կամ սնանկ մտածումով չեն նկատում հայկական շարժման ու նրա վարիչների անբարեխիղճ հակառակորդները:

Եւ «հա այդ ամեն կողմից հետաքրքիր, բնորոշ մօմենտին էր, որ Բաֆֆին հրապարակ եկաւ իր հայրականային պայքարի, դաւադրական շարժման քարոզով: Յպաւորութիւնը ցնցող էր: Դարերի մրափից, ստրկական անարգ համակերպումից յետոյ լսւում էր կանոնաւոր մարտի, ծրագրած ապստամբութեան առնական խօսքը, որ հալածած երկաթի կաթիլներով ընկնում էր ու վառում զգայուն սրտերը: Եւ այդ խօսքն ասւում էր ոչ հռետորական արեւստով, ոչ հրապարակախօսի կրքոտ թափով, այլ այն թափառական, երազուն, անհանգիստ երիտասարդների, կարօների ու Ասլանների, Համբերի, Աւօների շրթունքներով, որոնք Բաֆֆի բեղմնաւոր երեակայութեամբ լոյս աշխարհ եկած՝ մենաւոր խորհրդաւորութեամբ անցնում էին հայկական բարձունքներով, խուր, անմատչելի ձորերով, հեռաւոր կորած գիւղերով, տեսնում էին ցեղի ցաւը իր բոլոր ուժգնութեամբ, շօշափում էին խորունկ վերքը, և նոր կեանքի, վերածնութեան ուղին ցոյց տալիս:

Պայքարի, դիմագրութեան մարտահրաւէրը, ընդվզումի այդ համարձակ քարոզը սակայն՝ առանց բուռն պայքարի չէր, հայ աշխարհի վրայ ծանրացած բռնութիւնը չափազանց երկար, նրա ազդեցութիւնը չափա-

զանց ապականիչ էր եղել, որպէս զի անազարտ մնար ցեղական արժանիքի գիտակցութիւնը, հինաւուրց ազատական ոգին: Կղերա-պահպանողական տարրը, լքումի, համակերպութեան սողոսկող աւանդապահութիւնը հրապարակ եկաւ, առողջ, կենսալի հոսանքի գէտ, արդէն ծայր աւող ազգային շարժման հանդէպ պատուար բարձրացնելու բացարձակ դիտումով: Աւանդապահութիւնն իր հետ ունէր բոլոր նրանց, որոնք ամենադաժան բռնութեան տակ իսկ իրենք իրենց զգում են ինչպէս ձուկը ջրում, բոլոր արածեալներին, բոլոր վայելողներին, բոլոր նրանց, որոնց գլուխների վրայից են անցնում միշտ ազգային մեծ տառապանքի դառնալի յորձանքները:

Ի զուր... հնազանդութեան բարոյներն անկարող եղան անվստահելի, կորստաբեր հռչակել Բաֆֆի գծած ուղին. նրա հերոսները վէպերից, երեակայականից իջան կեանքի մէջ, գրեթէ նոյն անուններով, նոյն խառնածքով, նոյն ձգտումներով, որ մեծ վիպագիրն էր ուրազգծել, բայ-լելու համար նոյն ճանապարհով, որ նա էր ցոյց տւել:

Արդարեւ չափազանց յուզիչ ու բնորոշ է, որ հայ մարտիկների, հայ հայդուկների մէջ այնքան շատ են Բաֆֆի հերոսների անունները կրողներ, — Կարօ, Փարհատ, Ասլան, Աւօ...

Եւ հայկական իրական շարժումը փուլեց ու խորացաւ, անհատական մտածումից՝ դարձաւ հանրային, երիտասարդութիւնը խումբ խումբ նետեց դէպի այդ իդէական շարժումը, մինչդեռ հայ պահպանողականութիւնը, հայ դրամատիկութիւնը կամ անասնական եսասիրութեամբ փակեց աչքերը ազգային մեծ առեղծաածի առաջ, անձնատուր լոկ իր սեփական որկորին ու վայելքին կամ եթէ շարժեց, դա եղաւ՝ խափանելու, վարկաբեկելու, թուլացնելու համար մարտիկների անձնուրաց ճիգերը:

Պատմութիւնը կ'ասի մի օր, թէ ինչ բաժին ունի հայկական ազատամարտի ձախողանքի մէջ հայ ազալականութիւնը, հայ դրամատիկութիւնը, աշխարհի ամենէն գձուձ, ամենէն վատշէր, բաղաբացիական առաքինութիւններից հազարգէպ բացառութեամբ՝ իսպառ զուրկ այդ պարարտ, անիդէալ դասակարգը, որ այսօր էլ ազգային տագնապի այս ծանր օրերում՝ անտարբեր հանդիսապես է իր գարշելի բսակը հոգիի վերածած:

* *

Եւ ահա քսանուհինգ տարի անցաւ մեծ գրագետի մահից:

Քիչ անգամ հայ ժողովուրդը իր պատմական ալեծուփ կեանքի ընթացքում ապրել է յոյսերով ու յուսախաբութիւններով այնպիսի մի հարուստ շրջան, որպէս այս բառորդ դարը: Սրտապարար, ոգևորիչ սպասելիքների մեծութիւնից՝ տասնապատիկ աւելի մեծ եղաւ վրայ հասած արհաւիրքը, և մօտալուստ փրկութեան

խանդավառութիւնը արիւնոտ եղեռնի մէջ խեղդեց:

Անօգուտ է անդրադառնալ հայ պատմութեան այդ մռայլ էջը մեր աչքերի առաջ գրեց. ազգային մեծ վերքը դեռ մխում է, հայ ճակատագրի ծանր առեղծաածը դեռ լուծւած չէ, արիւնի մղձաւանջը դեռ խեղդում է մեզ:

Մեծ հիասթափութեան ծանր, աղէտալի շրջանում Բաֆֆի, ինչպէս հայկական շարժման բոլոր ռահիրաների, անգամ հայկական բարձունքների վրայ զենքը ձեռքին ընկած մարտիկների անունները թեթեւօրէն պատասխանատուութիւն սահմանող շրթունքներով յաճախակի կապեցին սե վերյուշերի հետ: Փութկոտ, անբնագրաւ պարզամտութիւնը անձնատուր եղաւ ռամիկ ու յախուռն բարբառներին, և քինախնդիր ու շահագրգռած փարիսեցիկութիւնը չկամեցաւ վեր բարձրանալ աստուեր, թուեցաւ յարձակումներից, անհիմն մեղադրանքներից: Իմաստակութիւնը վրան առաւ յետին թուով աժան իմաստութեան ծիրանին: Համատարած լքումը պարարտ հող էր և դատապարտութիւն՝ հեշտ, դատաւիճիւր՝ պատրաստ:

Խօսքն ամբողջին էր.

Եւ ամբողջը խօսեց...

Ապա կարօներն ու Ասլանները, Խենդերն ու Աւօները... Ինչ եղան վարպետի այս անձնուրաց, այս յամառ աշակերտները: Յուսախաբութեան փոթորիկը, համազգային անասելի աղէտը նրանց էլ թիկունքը դատարկեց, նրանց էլ շարքերը դողաց, բայց դա միայն մի վայրկեան, անընկճելի մարտիկները վերջի վերջոյ մնացին անսասան, պայքարի ճամբին, իրենց դիրքերում, մահաւան ճակատին, անյողդող ու հպարտ:

Եւ եթէ հայկական շարժումը — ինչո՞ւ չ'ասեմ հայկական հարցը — մնաց կենդանի, որպէս մշտական սպառնալիք թիւրքական բռնապետութեան, եթէ հայ ժողովուրդը իր վիթխարի հիասթափութիւնից յետոյ՝ ուշադրոյս հօտի պէս վերջնականապէս շնտւեց ստրկական համակերպութեան տխուր ասպետների գիրկը. և վերջապէս եթէ այսօր՝ աւելի քան երբեք, նա՝ այդ մարտիրոսած ազգը, աշխարհի առաջ բարձրագլուխ իր իրաւունքն է պահանջում, այդ բոլորի համար խոշոր չափով մենք պարտական ենք Բաֆֆի անձնուրաց աշակերտների գրեթէ անհատական ճիգերին, իզուր չէր, որ Քրիստափորները տասնեակ տարիներ շարունակ հրահրեցին մարտական բոցը և թողլ չտւին, որ յուսահատութեան հովը ազգի արիւթիւնը մարի: Իզուր չէր, որ հակառակ աւանդապահութեան ամօթալի կլանջոցներին, Սերոբ ու Գեորգ Զաւուշ, Նիկօլ ու Վարդան, Անդրանիկ ու իր ընտիրների ջոկաւոր, և բանի ուրիշները, այնքան տարիներ սքանչելի յամառութեամբ արծիւների պէս թառած մնացին հայկական անհիւրընկալ, դաժան բարձունքների վրայ, որպէս հայ ժողո-

վրդի կենդանի ու վրէժխնդիր խիղճը, նրա աննկուն, երկաթէ ոգին, որ չպիտի հանգչի, մինչև արդարութեան ու ազատութեան կատարեալ յաղթանակը: Ահա Ասլաններն ու Կարօները, ահա Աւօներն ու Խենթերը, Մեծ Վարպետի մեծ աշակերտները:

Տ Ա Ր Ա Գ Ի Ր

Ր Ա Ֆ Ֆ Ի

(ՄԱՀԻԱՆ 25_ԱՄԵԱԿԻ ԱՌԻԹՈՎ)

Համազգային վշտի օր էր ապրիլեան այն տխուր, ամպամած օրը, երբ — բառորդ դար սրանից առաջ — ռուսահայ մտաւորականութիւնը հոգին էր յանձնում իր մեծ վիպասանին:

Մահաւան բռնութիւն — այնքան անակնկալ որքան և կսկծալի — գնում էր գաւառի ամենայն տին խորշերը, մտնում էր ժողովրդական ամենահամեստ կացարանները, գնում էր ամենուրեք գուժելու, որ մեռել է հայկական ազատութեան երգիչը, հայոց պատմութեան փոթորկածայն մարգարէն, հայ լեռների ու ձորերի, հայ դարձերի և յոյսերի անմահ սրնգահարը:

Ընկճեց մի վայրկեան գաղափարական երիտասարդութիւնը, համակած ծանր, անդարմանելի սգով: Հարւածը չափազանց անողոր էր, կորստի գիտակցութիւնը չափազանց խոր ու ահաբեկող: Բաֆֆինները յաճախ չեն ծնւում...

Սակայն, ազգային կեանքի անիւր հասել էր արդէն իր որոշեալ հանգրուանին, զարկը տրւել էր արդէն ազատագրական մեծ քարոզին ու հոսանքին, սերմը ձգւել էր մեծատաղանդ վարպետի ձեռքով — նպաստաւոր հողի վրայ և շուտով պիտի բողբոջէր ու բարգաւաճէր:

Բաֆֆին մեռա՛ւ — կեցցէ՛ Բաֆֆին... կարող էր գոչել հայ նորածիլ, ազատատենչ սերունդը: Գաղափարը՝ վիպասանին սնուցող ու շնչաւորող գաղափարը՝ արդէն իսկ մարմնանում էր կեանքի մէջ. հայոց տխուր հօրիզօնը շառագունում էր կամաց-կամաց և հայկական ազատամարտի առաջին ծիծեռնակները — հատիկ-հատիկ Ասլաններ ու Կարօներ — թափօրում էին Մասիսի շուրջը:

Շուտով նրանց — Զէքիներին ու Յունօներին — պիտի հետևէր ռազմիկների լէգէօնը և կեանքը պիտի ալէկոծէր, անկման ու ապականութեան ճահիճը պիտի փոթորկէր ծայրէ ծայր, ստրկութեան գարաւոր ու մօնօտօն հառաչանքը պիտի խզէր, վերջապէս, բողբոջի ու ընդգոյծի առնական ճիգերով:

Ի՞նչ փոյթ, թէ այդ հերոսական ճիգերը մերթ ընդ մերթ խլացան ու մարեցին արիւնագոյն հրդեհի մէջ... Համաշխարհային պատմութեան բեմի վրայ ո՞ր ազգն է, որ երբեք չի ճաշակել վիթխարի աղէտների մշտաւանջը... Մերը ամենից մեծն եղաւ և ամենից ահար-

կուն — բայց մեր ազգային արատների լեռն ևս գուցէ ամենէն բարձրն էր... Մենք չունեցանք ազգովի ճիգ, ներդաշնակ ու միաբան ճիգ հանդէպ հսկայ խոշորագոյնների. մենք ունեցանք անձնուրացների մի շնչին փոքրամասնութիւն, որ գաղափարով վառւած, նեւաւում էր բոցերի մէջ և դրա հանդէպ՝ մի ահագին խստաճարակ մեծամասնութիւն, որին երբեք չյուզեց այդ գաղափարի այժմէութիւնն ու վսեմութիւնը:

Ահ, Բաֆֆին նախատեսել էր այդ չարաշուք պատուհասը: Նա գիտէր — դեռ իր առաջին քայլերի մէջ — թէ ինչ ահարկու խոչ ու անդունդների պիտի զարնէր հայկական ըմբոստացման գաղափարը իր իրականացման ճամբու վրայ...

Այո՛ — գրում էր Մէլիքզադէն 1878-ի յուլիսին իր թերթում — այս, 850 տարի է, որ հայոց ազգը մօնօրայական կրակի մէջ այրվում է և մի ձայն, մի բողբոջ չի բարձրացնում: Դա հայի մեռելութեան նշանն է... Ազատութիւնը տրվում է այն ազգերին, որոնք իրենց ազատութիւնը սրով գիտեն պաշտպանել. առանց արիւնի՝ չկայ ազատութիւն *):...

Իսկ դրանից վեց տարի առաջ, 1872-ին, նոյն Բաֆֆին — Մէլիքզադէն, կատարելով իր պառօյտը ջուլամերկում և այցելելով Մար-Շիմօնի ցաւով ու դառնութեամբ է լսում վերջինի կծու դիտողութիւնները հայի ստրկամիտ բնազդների մասին և պատասխանում է նեստօրական պատրիարքին.

Բարբարոս ազգերի դարաւոր բռնութեան ներքոյ հայերը ծնւելով, մաշւելով, կորցրին իրենց քաջութիւնը...

Մար-Շիմօնը օակայն առարկում է.

Ընդհակառակը, հէնց բռնութիւնները միշտ ստիպում են վառ պահել քաջացական ոգին... Հայերը կորցրել են քաջութիւնը՝ իրենց հոգեւորականների շնորհիւ. նոքա մեծերին իրենց ժողովուրդը միշտ քարոզելով նրան՝ խոնարհութիւն, համբերութիւն, ճգնութիւն...

Եւ ոչինչ այլ ևս չպատասխանեցի — ասում է Բաֆֆին — Մար-Շիմօնի խօսքերի մէջ երևում էր խորին ճշմարտութիւն «**»:

Կը երբ, հայկական առանձնատիպ կղերը, մի կատարեալ չարիք էր «կայծեր» հեղինակի աչքում, մի չարիք, որ դարերի ընթացքում հարւածել, անդամալուծել է ազգի մարտական, դիմադրական կորովը:

Ահա թէ ինչ էր գրում նոյն Բաֆֆին «Արծուի Վասպուրականի» մէջ, 1858 թին, երբ տակաւին անծանօթ Յակոբ Մէլիք Յակոբեան էր, խակ, անվարժ, թոթովուն մի գրիչ... Եւ առաջին թոթովանքն արդէն հակակղերական ուժեղ շեշտ ունէր. գրում է Յակոբ Մէլիք Յակոբեանը Խրիմեան Հայրիկին և հարց է տալիս.

Ինչո՞ւ արդեօք եւրոպացի ազգերը իրենց երեքմիշի բարբարոսական վիճակից բարձրացան մինչև այժմեան քաջաբան կրթութիւնը, այն ինչ Հայաստանը, որի զաւակները դեռ ամենահին ժամանակներում Աթէնքի մէջ էին ուսում առնում, — օրըստօրէ նուազեց, կորցնելով ըստ մեծի մասին Ազգութիւն և Հայրենիք...

*) «Մշակ», 1878 թ. № 22:

**) «Մշակ», 1872 թ. № 33:

Հարցին ինքն էլ պատասխանում է.

Այդ մասին թեև բազումը այլ և այլ պատճառներ յառաջ բերում են, իսկ նուստս տկար կարծեացս չափ, Հայաստանի հոգևորականաց անհոգութիւնը համարում եմ սորա միմիայն էական պատճառը...

Եւ ներողութիւն է խնդրում Հայրիկից, մի գուցէ նրա սրտին դիպի...

Անհատական բացառութիւնների մասին չէ, հարկաւ Բաֆֆի խօսքը. Ներսէսների ու Խրիմեանների մասին նա ինքն ունի խանդավառ ջատագովականներ. քննադատութեան մշաքն ուղղւած է դասակարգին

Յետագայում, երբ վիպասանի միտքն աւելի հասունացաւ, նա այլ պատճառներ ևս տեսաւ մեր ներքին անկարողութեան: Աղօթողների դասակարգից՝ նրա խարանոզ մտրակն անցաւ. նաև դրամի դասակարգին: Այդտեղ ևս անողոք է հայ դեմոկրատ վիպասանը: Իր անվրէպ բնագոյով հասկացել էր նա, որ ստրկութեան ամենավատթար արատներով ծանրաբեռնւած այդ դասակարգը — հայ վաճառականութիւնը, բուրժուազիան — խոչընդոտ պիտի կանգնէր ազատութեան ճանապարհի վրայ, ի տեղի նպաստաւորելու այն՝ ինչպէս եղել է ուրիշ ազգերի մօտ:

Այդ դասակարգի տիպիկ նմուշների հանդէպ էր, որ «Կայծեր»-ի Ալանը, Վանի իր արկածների միջոցին, բացականչում էր խորին զայրոյթով և յուսահատութեան դառն շեշտով.

Որքան ցածու թիւն... Եւ այդ մարդիկ Վանի ամենահաբուստ վաճառականներից են... Խոցն այնքան ճարպ չունի, որքան նրանք ոսկինք ունին... Ի՞նչ գողափար կր կազմէի ևս հայերի մասին, եթէ իսկուպէս եւրոպացի լինէի: Ահա այդ գարշելի արարածներն են, որ խայտառակում են ամբողջ ազգը *)...

Նման անթիւ հատւածներ դուր կը կարդաք վիպասանի միւս գործերում:

Զարիք — հայ ապիկար ու ստրկամիտ կղերը, չարիք — հայ գծուծ, մամոնապաշտ բուրժուազիան... Բաֆֆի յոյսը բուն ժողովուրդն էր, բուն աշխատաւոր և տառապող գիւղացիութիւնը, արհեստաւորութիւնը: Նոյն «Կայծեր»-ի մէջ դուր կը գտնէք հրահանգիչ վկայութիւններ.

Այդ տարրերի շունչով էր ապրում ժողովրդածին և ժողովրդասէր վիպասանը, այդ տարրերի վրայ էր նա կառուցել ազատագրական իր հորակապ ծրագիրը...

Եւ բնազդը այդտեղ ևս չխաբեց նրան: Այդ դասակարգերն էին, որ տարին իրենց վտիւ ուսերի վրայ հայ ազատագրութեան շարժումը, որ արագորեցին իրենց ծոցից փաղափարի բարոզիչներ ու զինուորներ, տեսաբան-առաջնորդներ և կորիճ-հրամանատարներ:

* * *

Քառորդ դար է անցել Բաֆֆի մահւան օրից, բայց

*) «Կայծեր», հատ. II:

Բաֆֆին դեռ չի մեռած՝ ոչ միայն մեր յիշողութեան ու գիտակցութեան խորքերում, ուր նա կ'ապրի յաւերժօրէն, այլ չի մեռած, տարաբախտաբար, և մեր ազգային գոյութեան ամենօրեայ հոգսերի ու ճիգերի մէջ...

Կը մեռնի նա այն ժամանակ, երբ հայկական իրականութիւնից կը չքանայ միանգամ ընդմիշտ գոյութեան մենամարտի ահաւոր անհրաժեշտութիւնը, երբ ֆիզիկական գոյամարտը տեղի կը տայ խաղաղ, կուլտուրական պայքարի, երբ հայ կեանքն այլ ևս պէտք չի ունենայ Ասլանների ու Աւօների...

Իսկ քանի դեռ կայ այդ դաժան իրականութիւնը — հայ երիտասարդ, հայ պատանի, կարդա՛ Բաֆֆին... Կարդա՛ և խո՛ր արձանագրիր գիտակցութեանդ մէջ այդ առնական պատգամները մեր սգատանջ վիպասանի, որոնցով նա ձգտում էր կեանքի կոչել ստրկութեան լեթարժիկ մրափի մէջ խորասուզւած համայնքը:

Թո՛ղ նորածիլ սերունդները չմեղկանան գրական ու փիլիսոփայական հրապուրիչ մարզանքներով, թո՛ղ նրանք էլ շարունակեն հների պէս տոգորել Բաֆֆիական շունչով ու գաղափարով. թող նրանք էլ անգիր անեն և ամեն օր առաւօտեան, աղօթքի պէս արտասանեն «Ինքն»-ի ու «Կայծեր»-ի ազատաշունչ էջերը... Ինչպէս որ մենք էինք անում սրանից — աւա՛ղ — 20 տարի առաջ:

Որքան աւելի արագ երթայ մեր ազգային դաստիարակութիւնը այդ ուղղու թեամբ, որքան աւելի լայն խաւերում արմատանայ ու տարածւի այդ ոգին, այնքան աւելի շուտ կը հասնի այն բաղձալի ժամանակը, երբ Բաֆֆի-քարոզիչը կը կորցնէ իր տիրապին այժմեութիւնը, երբ կու՛ի ու ապստամբութեան *projeteur*-ը կ'անցնի ազգային արշիվների մէջ, կերթայ հանգստանալու հայութեան պանթէօնում, և կը մնայ մեր մտաւոր հրապարակի վրայ սոսկ Բաֆֆի-գեղարուեստագէտը իր անջնջելի հմայքով ու յաւիտենական թարմութեամբ...

Մ. ՎԱՐԱՆՅԱՆ

Բ Ա Ֆ Ֆ Ի Ի Յ Ի Ծ Ա Յ Ա Վ Ի Ն

*Exegi monumentum aere perennius.
Horatius*

Ես կերտեցի յուշարձան մը աւելի տևական քան պղինձը:

Բաֆֆի, հայր անփոխարինելի հայկական յամեցած ընդվզումին, դու կերտեցիր յուշարձան մը աւելի տևական քան պղինձը և այդ քու Գործն է փա՛ռք բեզ:

Քսանեհհինգ տարիներ յետոյ այն մռայլ օրէն, ուր քանի մը թրքահայ աշխատաւորներ՝ երախտագիտութեամբ ու կսկիծով զոդողուն իրենց բազուկներուն վրայ առին մարմինդ իբրեւ նշխար նւիրական, տես:

քսանեհինգ տարիներ յետոյ այդ օրէն, հիմա ամբողջ թրքահայութիւնն է ուխտի կուգայ Յիշատակիդ, կատարած Գործիդ:

Եւ դուն բարձրացուր հանձարեղ կամարը ճակատիդ և տե՛ս թէ ինչքա՛ն է փոխւեր այդ թրքահայութիւնը հիմա. տե՛ս թէ ցանած սերմերդ նահատակներու արիւնով ոռոգւած ի՛նչ սրբազան ու բեղուն հունձք են արտադրել, տե՛ս բուս արձակած կայծերդ ի՛նչ հրգեհներ են բունկոցեցեր և ինչքա՛ն, ինչքա՛ն բազմացեր են խենթերը... Ճիշտ է, երազը կը շարունակէ ճիշտ երազ դեռ ցայսօր... բայց անոնք՝ որ կը տեսնեն զայն՝ այդ երազը՝ հիմա՝ ամեն օր ամեն ժամ լէզէո՛ն են...

Բարձրացուր, բարձրացուր թանկագին գլուխդ, Բաֆֆի՛, և տես թողուցած հետքիդ ծաւալը, բացած ափսիդ խորութիւնը, ստեղծած դիւցազուններուդ անվահերութիւնը և թող հոգիդ խայտար:

Սերունդները կը յաջորդեն սերունդներուն Հայութեան ծոցին մէջ, առանց դադարի, ինչպէս առաւօտները երեկոներուն, և բուսէրդ, Բաֆֆի, ու ներարկած ըմբոստութեան պատուաստդ արիւնէ արիւն կը մշտնջենաւորին միշտ աւելի զօրեղ, միշտ աւելի զարհուրելի, ճիշտ մեր ցաւերուն, մեր յուսախաբութիւններուն պէս:

Տե՛ս հիմա մենք այլևս չենք լար. դու ըսիր որ լացը օգուտ չունի. բունաւորութիւններու գեհնը, — ըսիր դու մեզի, — չի հանգիր տանջանաւորին արտասուքովը և մենք լսեցինք բեզի և մենք սովորեցանք բողբոջել գոռալ, հարւածել...

Հայաստանը զոր սիրեցիր և որուն գեղեցկութիւնները քեզ թողեցին ու սարկութիւնը գրգռեց քեզ, գիտէ հիմա որ Երաւունքները բռնի կըստացւին մեր հորիզոններուն վրայ ու բռնի կը պահէին, մինչև անգամ կեանքի բնական իրաւունքը:

Բռնաւորին բոլոր սարսափները խեղդելու համար այնտեղ ձայնդ ճեղքին անգոր. հմայքդ ելեքտրացուց թրքահայ աղջիկն ու պատանին և անոնք՝ առաջնորդւած՝ բանտի ու աքսորի նկատմամբ այն ահաւոր արհամարհանքէն, զոր ներշնչեցիր իրենց, կուրծքերնուն վրայ, բազուկներուն տակ սեղմած, գաղտնի, գիշերւան խաւարին հաւատարիմ մեղսակցութեամբ, խրճիթէ խրճիթ, գիւղէ գիւղ, քաղաքէ քաղաք փոխադրեցին հրաշունչ հատորներդ: Եւ կարգացին կարգացին, պառանները, ծերերը, տղաքը, երիտասարդները, կիներն սւայրերը կարգացին ամենքը քեզ, ծծեցին հոգիդ անով ներշնչելու համար, գոց ըրին խօսքերդ իրարու կըրկներու համար և նոյնացան տիպերուդ անոնց՝ պէս ըլլալու համար...

Եւ հարկաւ այդ այդպէս պիտի շարունակւի ինչքան ապրի՛ հայր. մենք սերունդէ սերունդ բուս շունչովդ պիտի ներշնչուինք Բաֆֆի՛ և պիտի ըլլանք ճիշտ քու

ուզածիդ պէս, միշտ, սերունդէ սերունդ, բոլոր հայերս, պաշտօնդ ազատութեան՝ իր բոլոր ձեւերուն մէջ. հարւածող բռնութեան՝ իր բոլոր գոյներուն տակ...

Ո՛վ հայր հայկական ուշացած ընդգլու մին, դու կերտեցիր յուշարձան մը որ արդարեւ աւելի տեւական է քան բոլոր պղինձները այս աշխարհին:


Ռ. ՇԱՀԱՉԱՆ

ՊԱՇՏԱԿՑՈՒԹԵԱՆ՝ ՆԱՀԱՏԱԿՆԵՐԸ

ԳԱՐԵԳԻՆ ԽՆԿՈՅԵԱՆ ԱՍԼԱՆԵԱՆՑ

1876—1906

Ծնւել է Կարինում. իր կրթութիւնը ստացել է տեղւոյն Ազգ. Արժնեան դպրոցում: Համեստ և ըմբոս ընտանիքի մը զաւակ: Ձկայ Կարնոյ մէջ գործիչ ընկեր մը, որ չձանձնայ էթտէր խնկոյնեց տունը: Մեծ-



Գ ա ր Ե ր ց Ի ն Խ ն Կ ո Յ ե ա ն

նալով այդ ընտանիքի մէջ, նա արդէն ծանօթ էր այն թւականներում գործող և աչքի ընկնող բոլոր ընկերներին: Յեղափոխականի առաջին պայման — գաղտնապահութիւնը արդէն նա ունէր և իր կատարած փոքրիկ, բայց անհրաժեշտ գործերը արդէն իսկ ցոյց կըտային ապագայի աւելի հմուտ ու եռանդուն յեղափոխականը:

Անցնում են տարիներ և Գարեգինը իր ծնողներու առաջարկութեամբ մտնում է դերձակի մը մօտ աշկերտութեան: Քիչ ժամանակից՝ ստանում է խալֆայի տիտղոսը և բաւական ուժիկ: Գարեգինը այժմ մտածում է իր ստացած զուրուշները զէնքի տալ և համոզում է իր ընկերներին նոյնպէս զէնք ունենալ:

Հասնում են համիդեան ռեժիմի սև օրերը, երբ ամեն մի կասկածելի հայ քչւում էր բանա առանց ուէ օրի-

նական պատճառի: Չերբակալում են նաև հանգուցեալի մեծ եղբորը, Գևորգին, որից յետոյ նա աւելի է աւաքանում իր սիրած գործին մէջ: Մեծ խորհրդատուն, Թաթուլը միշտ քաջալերելով երիտասարդը, մղում է նրան դէպի զանազան գործեր, առիւտ է նրան ի միջի այլոց սուրհանդակի պաշտօն: Եւ սուրհանդակը կատարում է իր դերը ամենայն լրջութեամբ, առանց ունէ կասկածի տեղիք տալու, մինչև Թաթուլի Արամեանի կախիլը: Գարեգինը, տեսնելով իր սիրած բարոզէին կախաղանի վրայ, համակում է բռն զայրոյթով, բայց և յեղափոխականին վայել արիութեամբ շարունակում է իր գործը մինչև 1900 թւականը:

Շնորհիւ իր գաղտնապահութեան, նա մինչև այդ թւականը դեռ յայտնած չէր բայց սխալ չէր և այն կարծիքը, որ իր տաք բնաւորութեամբ օր մը նա վտանգի մէջ պիտի ընկներ:

Հասաւ այդ վտանգը: Ինչ որ կասկածելի իր՝ բանտ անելով, նա ձերբակալում է, բայց կաշառքով ազատուում: Այս անգամ որոշում է փախչել Կովկաս:

Մի օր Գարեգինը ծպտեալ հեռանում է բաղաբից, առանց ծնողներուն իմացնելու, և շատ դժարութիւններով անցնելով, գալիս է Ղարս: 6—7 ամիս այդտեղ մնալուց յետոյ, փոխադրւում ու հաստատւում է Թիֆլիս: Նիւթական կարօտութեան պատճառով՝ սկսում է իր արհեստով պարապել, միևնոյն ատեն հետեւելով իր գաղափարական գործին. բիշ ժամանակայ մէջ նա ծանօթ էր արդէն Թիֆլիսի ամեն մի անկիւնին. ընկերները սիրում էին նրան՝ իր աշխոյժ բնաւորութեան համար:

Հասնում են 1905—06 թւականները. սկսում է թաթարական դաշտում: Գարեգինը նետւում է սպարէզ, ստանձնում է զէնքի փոխադրութեան պատասխանատու գործը. և մինչև իր նահատակութեան օրը՝ տանում է այդ գործը առանց փոքրիկ մի վնասի:

Նախիջևանի կռիւները արդէն սկսած էին. Գարեգինը Թիֆլիսի Նաթթուլը կայարանում իր պաշտօնի գլուխ անցած՝ եռանդով կատարում էր իր պարտքը՝ նրա շարունակ կայարան այցելելը ժանդարմների մէջ կասկած յարուցանելով՝ հետապնդում են, որ ձերբակալեն. բայց չի աջողւում: Սակայն, մի անգամ, վերջապէս, փախչելու ժամանակ, մեր խեղճ ընկերը ընկնում է Բագելից եկող մարդատար գնացքի անիւների տակ, աջ ոտից երկու մահացու ջարդածք է ստանում: Հասնում են ժանդարմները, փոխադրում վիրաւորին երկաթուղային հիւանդանոց, ուր նա իր կարեւոր թղթերը յանձնելով քահանային, մեռնում է:


Թիֆլիսի մարմնի կողմից՝ դնում են մի ծաղկեայ պսակ, իբր յարգանք նահապետ ընկերոջ յիշատակին: Թաղումը կատարեց Խօջիվանքի գերեզմանատան մօտ, 5—6000 երկսեռ բազմութեան ներկայութեամբ:

Ծերունի հայրը մինչև օրս էլ կ'ոգևորէ ամեն անգամ՝ երբ կը լսէ վկայութիւններ իր որդու այդքան կարճ, բայց մաքուր գործունէութեան մասին և իբրև օրինակ, նա իր միւս որդեկերանց ցոյց կը տայ միշտ Գարեգինին:

ՍԱՐՑԻՐՈՍ ՅԷՐ ՅՈՎՀԱՆՆԻՍԵԱՆ

(1849—1905)

Մ. Տ. Յ — քեմախու Բագառիճ գիւղի Ս. Նշանայ վանքէն, 12 տարի շարունակ գործունեայ անգամ Հ. Յ. Գաշնակցութեան, 1902 յունիս ամսոյն Պուլկարիայէն հայրենիք կը մեկնի, բայց մատնելով Պուլկարի ազգայիններէն՝ Մկրտիչ Քեմիքճեանէն, տեղւոյն թիւրք հիւպատոսի մի հեռագրով կը դատապարտուի 5 տարւան



ՍԱՐՑԻՐՈՍ ՅԷՐ ՅՈՎՀԱՆՆԻՍԵԱՆ

թիապարտութեան: Դահլիճները կ'ենթարկեն զինքը անլուր խոշտանգումներու, և վերջապէս, քանի մը տարի բանտը պահելէն ետքը՝ կը թոնաւորեն իր երկու ընկերներու հետ միասին—Հաճի Գալուստ Արսենեանի և Ոսկեան Թորոսեանի քովերին գտնած են կարգ մը յեղափոխական թղթեր: Երեք նահատակները կը թաղւին միասին Քեմախի հայոց գերեզմանատան:

Ք Ա Ղ Ա Ք Ա Կ Ա Ն

ԿԱՅՈՒԹԻՒՆԸ ԵՒ ՄԵՆՔ

Մօտ է խաղաղութիւնը, դիպումսաններն արդէն հըրճւանքով շփում են իրենց ձեռքերը, բայց արևելեան կնճիռը հարթւած է արդեօք: Ոչ ոք չի հաւատում: Սիւրիան անհանգիստ է, Արաբիան ըմբոստ՝ ինչպէս միշտ՝ մշակած անջատական ձգտումներով, իսկ Հայաստանը՝

տանը շարունակում է լինել թատերաբեմ արիւնոտ անցքերի, որոնք կարող են յանգել մի նոր կատասարօֆի:

Ոչ ոք չի հաւատում տեական խաղաղութեան. չեն հաւատում ամենից առաջ իրենք գիպլօմատները: Ամեն օր մի նոր պատահար-անակնկալ է հրապարակ գալիս, որ փոթորկում է հօրիզոնը և սպառնում բռնկեցնել համաեւրոպական մեծ հրդեհը:

Եւրոպական թիւրքիան եւլեց իր դարաւոր տիրոջից բայց աւարի բաժանման խնդիրը կայ բալկանեան դաշնակիցների միջև, որ այժմից իսկ վտանգաւոր բնոյթ է առնում: Կայ ալբանական խնդիրն ևս, որ տակաւին վեճի առարկայ է, շնորհիւ մի կողմից աւստրո-իտալական բորբոքած ախորժակների, միւս կողմից եւրոպական այլ պետութիւնների, մասնաւորապէս Ռուսաստանի, ընդդիմութեան: Կայ յունական կղզիների և Լապիւրոսի խնդիրը, որի առթիւ քաղաքակիրթ մարդկութիւնը զգաւորութեամբ ակնատես է լինում մի անլուր, վանդալական բռնութեան... Վանդալը «գեմօկրատիկ» Իտալիան է, Գարիբալդեան Իտալիան, որ ցինիզմով դրժում է իր լաւագոյն աւանդութիւնները, ոտնահարում ազգայնական սկզբունքը և չի ուզում միացնել տալ Զուսաստանին այն մի քանի յունաբնակ վայրերը, որոնք ազատելով օսմանեան լծից, այնքան կարօտով ու խանդավառութեամբ ձգտում են դէպի մայր-հայրենիքը... Ահա թէ ինչ հրեշաւոր երեւոյթներ, ինչ այլանդակ մետաֆորմօզներ է ծնում ժամանակակից կապիտալիզմը, բուրժուազական ընչաքաղց և գիշատիչ աւետարանը...

Կայ, վերջապէս, ամենաահաւոր վտանգը—Ասիական թիւրքիան... նրա կազմակերպման նոր ձևերը, նրա «պայթումի» և բաժանումի հեռապատկերը:

Անբուժելի «Հիւանդը» պիտի կարողանա՞ր կառավարել իր ասիական լայնածաւալ հողերը... Դրան ևս ոչ ոք չի հաւատում: Եւ... արդէն իսկ Ասիական թիւրքիան բաժանւած է «ազդեցութեան շրջանների»: Ահա տենդային բանակցութիւններ՝ Անգլիոյ և Թիւրքիոյ, Գերմանիոյ և Թիւրքիոյ, Անգլիոյ և Գերմանիոյ միջև, որոնք յանգեւոք են որոշ, կօնկրետ, «բաժանական» դաշինքների: Անգլիան ձգտում է գերման-բաղդաւան գծի ծայրին և Պարսից ծոցի մօտ ամուր պատնէշներ կառուցանել գերմանական սպառնալից *Draug*-ի դէմ... Կը դիմանա՞ն այդ փոքրթիւ պատնէշները, երբ տեսնեն յորձանքը հեղեղելով փոքր-Ասիան, Միջագետքը, նետելով ամենուրեք երկաթուղային ցանցերը, հաստատելով ամենուրեք արդիւնաբերական ձեռնարկներ ու ապրանքային մթերանոցներ, պիտի գառնայ իրօք միահեծան աէր այդ ահագին տարածութիւնների... Ամենից ուշ հասաւ Բիսմարկի հայրենիքը արեւելեան մրցութեան թաաերաբեմ, բայց և ամենից չաղ կաորը վաստակեց նա «Հիւանդ Մարդու» ժառանգներից. Բաղդատի գիծը ողնայարն է մի հսկայ օրգանիզմի, որի բախար

կարելի է ասել այժմից իսկ գտնւում է գերմանական ձեռքերում... Տնտեսական հեգեմօնիային վաղ թէ ուշ կը հետեւէ քաղաքական հեգեմօնիան: Արդէն իսկ Բերլինը ցուցարար ձեւերով շեշտում է իր յաւակնութիւնները Կիլիկիոյ վերաբերմամբ, գերմանական նաւերը թափօր են առնում Միջերկրականի վրայ Բեյրութից-Մերսինա, սպառնում են մինչև իսկ միջամտել եթէ պայթին Ադանայի վիլայէթում նոր հայկական կոտորածներ, և—այս է ամենաարատոց անակնկալը—նաւատորմի հրամանատար Տրիւմպէյ, իր կառավարութեան թելադրութեամբ անտարակոյս, ճաշի է հրաւիրում թիւրք իշխանաւորներից յետոյ՝ հայ կաթօլիկ հայնայնքի ներկայացուցիչներին... կամենալով թերեւս ցոյց տալ այդ կօնկրետ քայլով, որ Գերմանիան փոխել է իր բաղնիքականութիւնը հայերի վերաբերմամբ, որ հայ տարրի աջակցութիւնը պէտք է իրեն՝ փոքր Ասիոյ իր այլազան ձեռնարկները աջողեցնելու համար, որ վայրենութեան ու բարբարոսութեան անապատի մէջ այդ տարրը միակ ճշմարիտ *Kulturträger*-ն է, որին պէտք է խնամել ու սիրաշահել գերմանական շահերի համար:

Այդ ենթադրութիւնը աւելի քան հաւանական է, երբ մտաբերում ենք գերման խոշոր մամուլի մի բանի յօդւածները հայկական խնդրի մասին, հրատարակած վերջին ամիսներում, երբ յիշում ենք մասնաւորապէս Լէպցիգուսի և իր բարեկամների որոշ յայտարարութիւնները... Անցաւ այն ժամանակը, երբ Բիսմարկ կարող էր ասել թէ հարիւր հազար կոտորած հայերը և ամբողջ արեւելեան խնդիրը չունին պօմբիանեան մի զինւորի ոսկորների արժէքը: Այն ժամանակ Գերմանիան չունէր առկաւին գաղութային քաղաքականութիւն, իսկ այսօր նա պատրաստւում է իր ձեռքը ձգել երկրագնդի լայնարձակ ու արգաւանդ հողերից մինը, որի մի մասը կազմում է հայի հայրենիքը և որի ամբողջ տարածութեան վրայ—Հալէպից մինչև Բաղդատ—ցիր ու ցան սփռւած են հայ աշխատաւոր բազուկները, մշակ, երկրագործ ու արհեստաւոր, առեւտրական ու կարաւանատար եւայլն:

Պէտք է սիրաշահել հայ տարրը — և այն՝ երկու նպատակով, նախ ուղղակի իբրեւ գործիք ծառայեցնելու այդ տարրը գերմանական քաղաքականութեան և երկրորդ՝ թող չտալու, որ նա, լքւած, յուսահատ, նետւի հզօր մրցակցի, Ռուսաստանի գիրկը թող չտալու, որ հայկական տառապանքը իբրեւ պատրւակ առնելով, Պետերբուրգի կառավարութիւնը որոշէ ընդլայնել իր կովկասեան սահմանները, երթայ գրաւելու Թիւրքահայաստանը և այդպիսով բաց անէ Ասիական թիւրքիոյ բաժանութեան խնդիրը, որից առ այժմ, ըստ երեւոյթին, խոյս է տալիս Բերլինը, գտնելով թերեւս, որ իրեն հասնելիք պտուղը բաւականաչափ չի հասունացած...

Անգլո-թիւրք, անգլո-գերման և թիւրքո-գերման բանակցութիւնները բորբոքում են և Ֆրանսիայի ատու-
թակը, և ահա նա ևս ձեւակերպում է մի խոշոր պա-
հանջագիր ու հրամեցնում Բ. Դրան: Նաքիօնալիստա-
կան մեծ մամուլը, իրեն գլուխ ունենալով *Temps*-ը,
մղում է շարունակ կառավարութիւնը դէպի լայն ձեռ-
նարկներ ու նւաճումներ: այդ մամուլը բերան-օրգանն
է մի հզօր կուսակցութեան, որ կոչւում է «գաղութային
կուսակցութիւն» (*parti colonial*), որ գուցէ
ամենամեծ և ամենալաւ կազմակերպւած ուժն է կա-
պիտալիստական Ֆրանսիայի մէջ և որը աֆրիկեան Մա-
րոկկոն նւաճելուց յետոյ, տակաւին չմարսած այդ ահա-
գին երկրամասը, ձգտում է գրաւել այլ երկիրներ և
ամենից առաջ Սիւրիան, ուր Ֆրանսիական ազդե-
ցութիւնը վաղուց ի վեր լայն արմատներ է ձգած իր
դպրոցներով, երկաթուղիներով, բանկերով, հիւանդա-
նոցներով, առևտրական և կրթական ամեն տեսակ հիմ-
նարկութիւններով: Սակայն այդտեղ Ֆրանսիական ձրգ-
տումները կատաղօրէն բաղնալու են գերմանական
ձգտումների հետ...

ՀԱՅԱՍՏԱՆԻ ՀԱՐՑԸ

Բաղխումները մեծ պետութիւնների միջև, Ասիական
թիւրքիոյ հողի վրայ աւելի ահաւոր կերպարանք կըս-
տանան, քան Մարոկկոյում, Ալքանիայում կամ որևէ
ուրիշ վայրում: Այդ է պատճառը, որ գրեթէ բոլոր
պետութիւնները սոսկումով են ընդնշմարում ընդհար-
ման հեռապատկերը և աշխատում են ըստ կարելոյն
յետաձգել այն Բոլորն էլ եռանդով փաստաբանում են
Թիւրքիոյ, նոր հաշմանդամ թիւրքիոյ, «ամբողջութեան»
դառը (*intégrité*): Անգամ Ռուսաստանը չի ուզում
անել դիւրին ուստիներ դէպի Թիւրքաց Հայաստան և
որոշած է ըստ երևոյթի սպասել աւելի աջող վայր-
կեանների:

Եւ — որ ամենից միութարականն է, մասնաւորապէս
հայերիս համար — բոլոր պետութիւնները պահանջում
են Թիւրքիայից անմիջական և արմատական ու ֆօրմ-
ն եւ րոյ Պարզ է բոլորի համար, որ ռեֆօրմները միակ
միջոցն է ապահովելու շատ թէ քիչ տեւական միջազ-
գային խաղաղութիւնը: Ռեֆօրմներ՝ Սիւրիայում, Հայաս-
տանում, Արաբիայում և ամեն տեղ:

Աւելի ևս: Գիւանադիտական աշխարհի շրջահայեաց
մտքերը լաւ գիտնալով, որ Թիւրք կառավարութիւնն իր
գլխու անկարող է ռեֆօրմներն իրագործել, խօսում են
արդէն Եւրոպայի աջակցութեան, իսկ ոմանք
նոյնիսկ կ'օնտրօլի, հսկողութեան մասին:

Արագիւրները հաղորդեցին, որ Անգլիան յատկապէս —
իր նորագոյն բանակցութիւնների միջոցին — որոշած է

գրամական փոխառութիւն անել Թիւրքիային (երկու
միլիոն ոսկի) Հայաստանի մէջ բարենորոգումներ մը-
ցնելու համար: Սա մի նոր «կիպրոսեան դաշնադրու-
թիւն» է, որ յուսով ենք չի ենթարկւի հնի ատու-
ճակատագրին: Անգլիան իր նոր բանակցութիւններով
խոստանում է ապահովել Թիւրքիոյ ամբողջութիւնը և
գրա փոխարէն իր թաթն է գնում բաղդատեան եր-
կաթուղու վերջին ճիւղի վրայ (Բաղդատ-Բասրա-Կո-
վէթ), իր հովանաւորութեան տակ է առնում այն տե-
ղերի շէյխերին և վերջապէս պահանջում է բարենորոգել
Սիւրիան ու Հայաստանը: որի համար և ընձեռում է
իր գրամական աջակցութիւնը: Միաժամանակ Անգլիոյ
քաղաքագէտները յայտարարում են, որ գրամից զատ՝
անհրաժեշտ է մատակարարել Թիւրքիային մարդիկ,
պաշտօնեաներ, սպաներ՝ ամենից առաջ ոստիկա-
նութիւնը, ժանդարմերի վերակազմելու և ապահո-
վութիւնը հաստատելու համար քոքը Ասիայում: Նոյն
կարծիքն է ատրում և միւս երկրներում: Իսկ *Times*
հրապարակ նետեց մի փորձեւած արեւելագետի կոչ-
ւածը, որով անյայտ հեղինակը նախազգուշացնում էր
Եւրոպային, յայտարարում, որ առանց եւրոպական գոր-
ծօն հսկողութեան, առանց իրական երաշխիքների՝ ռե-
ֆօրմների գործը պիտի վտանգւի...

Այսպէս թէ այնպէս, խնդիրը դրւած է հրապարակի
վրայ, Ասիական Թիւրքիոյ, նրա հետ Հայաստանի վե-
րակազմութեան հարցը դառնում է ամենակենսական և
ամենահրատապ հարցերից մինը ժամանակակից դիւա-
նագիտութեան համար: Մամուլը լի է նրա առթիւ
գրւած տեսութիւններով. և վաղը անհրաժեշտաբար
նա կ'արձանանայ Միջազգային Խորհրդաժողովի առջև:

Մեզ ևս պիտի լսեն — չեն կարող չլսել:

Մ. Վ.

«ԻՏՏԻՀԱԹԸ» ՀԱՆՐԱՅԻՆ ԴԱՏԱՍՏԱՆԻ ԱՌՋԵԻ

Բաղկանեան տեղը նւազում է և եւրոպական մա-
մուլի ուշադրութեան առարկայ են դառնում Ասիական
Թիւրքիոյ խնդիրները, Հայաստանի, Սիւրիայի ռեֆօրմ-
ների խնդիրը: Նրանով կըզբաղւի, անտարակոյս, հաշ-
տութեան Խորհրդաժողովը, նրանով չի կարող չբաղւել
նոյնիսկ Պարիզում գումարւած Ֆինանսական կոնֆե-
րանսը, որ պիտի փնտրէ աղբիւրներ, պիտի աշխատէ
հայթաթել նոր միջոցներ անդամահատած Թիւրքիային՝
թէ իր պարտքերը հատուցանելու և թէ գոյութիւնը
բարձ տալու համար:

Ռեֆօրմների մասին յամառ կերպով խօսում է նոյն-
իսկ Թիւրք մամուլը, խօսում են և Թիւրք մինեստրները,
խօսում է ինքը Շէվքէթ փաշան, ի պատասխան հայոց
պատրիարքի յիշատակագրին:

Հետաքրքրական են քափիդ բէյի յայտարարութիւն-

ները, իր մի տեսակցութեան միջոցին, *Humanité*-ի աշխատակից, մեր բարեկամ Ժան Լօնգէի հետ.

Դժայերը վերին աստիճանի աշխատաւոր ժողովուրդ են... հաւատարմութեամբ ծառայել են օսմանեան հայերենի... Մենք հաստատապէս որոշած ենք լուծել քրդերի ու հայերի միջև եղած վէճերը, արդարութեամբ լուծել հողային խնդիրը... փաստագրել (*indemniser*) քիւրդերին... Մենք որոշած ենք ամեն զոհաբերութիւն անել՝ խաղաղութիւնը տիրեցնելու համար այդ երկրում... Յանձնաժողովը ճամբել է արդէն... Ամբողջ երկիրը պիտի բաժանուի շուտով խոշոր շրջանների. Սիրիա, Միջագետք, Արևմտեան և Արևելեան Անատոլիա, Արաբիա, Իւրաքանչիւրը կունենայ իր կառավարչները և տեղական հիմնարկութիւնները... Մենք ունինք ընդարձակ աշխատանքների մի ծրագիր, Երկաթուղիներ պիտի կառուցեն Սիրիայի, Հայաստանի մէջ. կրթութիւնը պիտի տարածուի ամենուրեք՝ և այլն և այլն:

Իտալիայի հետ պարագլուխը բարիքների լեռներ է խոստանում մեզ... առաջին անգամը չէ: Կոյնը մօտաւորապէս խոստանում է սադրազամը. Այդ բոլորը չի արգելում բնաւ, որ անմեղների արիւնը հոսէ Հայաստանի մէջ, որ քրդական աւազակութիւններն ու գաղանդութիւնները շարունակեն:

Հնարաւոր է, սակայն, որ այս անգամ երիտասարդ թիւրքերը անկեղծ լինին իրենց խոստումների գէթ մի մասի մէջ. Ուզեն չուզեն — այժմ պէտք է ռեֆորմների կողմնակից դառնան, պէտք է աշխատեն սանձահարել քրդերին և նոյնիսկ — հակառակ իրենց բնույթային գարշաւքի դէպի ապակենարօնացումը — պիտի ստիպւին որոշ քայլեր անել ապակենարօնական ուղղութեամբ:

Ուզեն-չուզեն՝ պիտի ընդունեն և եւրոպացի խորհրդաւորներ, պաշտօնեաներ, վերահսկիչներ:

Նէմէզիդան անողոր եղաւ դէպի «Իտալիայի» Ի՞նչ հոյակապ երազներ — և ի՞նչ անկում... Ուրպիսի՞ գոռոզ ազգայնական հաւատաւը Սահմանադրութեան սկզբունքում, երբ իրենց դիւրին յաղթանակով գինովցած՝ յաւակնում էին թելադրել իրենց կամքը ոչ միայն հպատակ ռալիաներին, հային, յոյնին, մակեդոնացուն... այլ և անգամ արևմտեան պետութիւններին:

Եւ այժմ ահա անկումի ու յուսահատութեան խոր խորատում... ուր կը քանեն թերեւ Ադանայի մէջ նիւթած ոճիրը. Երկու տարւայ մէջ սահմանադրական թիւրքի անելի կորցրեց, քան հին թիւրքի ամբողջ 50 տարւայ ընթացքում. նա կորցրեց իր լայնարձակ հողերը Աֆրիկայում ու Եւրոպայում, առաջինից բոլորովին գուրս քշեց, վերջինի մէջ պահպանում է դեռ մի ողորմելի և յուսահատ գոյութիւն: Այժմ էլ — հերթը Ասիական թիւրքիային է: Եւ նրա մասին էլ «հոգում են» արդէն արևմտեան «բժիշկները»:

Ո՞չ մի սփոփանք: Եւրոպայի հասարակական կարծիքն ևս չխնայեց «Իտալիայի», չնայած նրա աղերսական կոչերին, կազմակերպւած ու եռանդուն պրօպագանդին, առատօրէն շռայլած դրամներին:

Ինչպէ՞ս աջողէին թիւրք վարիչները — հին և նոր համահաւասար — մի անգամ ընդմիջտ խառնել ու վարկաբեկել էին հանրային խղճի առջև՝ հայկական ջարդերից յետոյ... Եւ իրաւամբ ասել է թիւրքական պարագլուխներից մինը, որ եթէ թիւրքիոյ դատը այս գերագոյն ճգնաժամի միջոցին անգամ չգտաւ համակրանք Եւրոպայի մէջ — դրա պատճառը ոչ այլ ինչ է, բայց եթէ հայոց կոտորածների անջնջելի յիշողութիւնը:

Պարիզի մէջ հաստատւած թիւրք պրօպագանդիստները կարողացան զինուորագրել միայն մի երկու ողորմելի թիւրքաժողներ — Կլօդ Ֆարբեր և Պիէռ Լօտի — որոնք կաշից դուրս են գալիս հաւատացնելու եւրոպական հասարակութեան, որ թիւրքերը մի գերազանց ցեղ են, որ նրանց դատը արդար է, որ ջարդերն ու գաղանդութիւնները նիւթողը բալկանեան ջորքերն են, որ թիւրքերի կատարած ջարդերը չափազանցուած են, որ հայերը ամենայնպէս թշառականներն են, որ նրանք ապրել են դարերի ընթացքում թիւրքերի հաշուով, որպէս պարագիտ և այլն և այլն:

Այդ յիմարական զառանցանքների մէջ փայլեց մանաւանդ Կլօդ Ֆարբեր կոչւած մանեակը:

Թիւրքական ուրիշ վարձկաններ գնացին խանգարելու հայասերների և այլ եւրոպացի իրազեկների ատենախօսութիւնները, բաւական էր, որ լսէին մի ակնարկ թիւրք ռեժիմի այլանդակութիւնների մասին:

Վրիպեցին Երիտասարդ թիւրքիոյ այդ խայտաբղէտ էմիսարները չունեցան աւելի աջողութիւն, քան սուլթան Համիդի երբեմնի սպասաւորները, որ գալիս էին Եւրոպա և կաշառքներով ձգտում էին շահել հանրային կարծիքը:

Ինչպէ՞ս չվրիպէին: Ահա հրատարակեց հայերի ձեռքով և ամենածանր, ամենասոսկալի ամբաստանագիրը Իտալիայի հետ շահաւորութիւնների դէմ. Յակոբ Պապիկեանի տեղեկագիրն է դա Ադանայի ողբերգութեան մասին, որ ամբողջապէս տպագրւում է «*Pour les Peuples d'Orient*»-ի մէջ, որի առթիւ մի հուժկու և խաբանող յօդւած գրեց մեր Պրեսսանէն, հրատարակեցին յօդւածներ և ֆրանսիական *La Revue* ու *Le Droit des Peuples* հանդեսները. գրեցին և Լօնդօնի *Times*-ը և Պարիզի *Temps*-ը. երկու մեծագոյն համաշխարհային օրգանները երկարօրէն ծանրացան այդ տեղակագրի զգայացունց մերկացումների վրայ, ի ցոյց դրին մի քանիսը ողբացեալ Պապիկեանի առաջ բերած փաստերից և իրենց ցասումը յայտնեցին «*Միութիւն* ու Յառաջդիմութիւն» կոչւած կուսակցութեանը, որի մարդկանց ձեռքով կազմակերպւել էր այդ զարհուրելի աղէտը:

Temps-ը մի երկար առաջնորդողի մէջ գրում է Պապիկեանի տեղեկագրի առթիւ.

«Այս փաստերը մի յուզիչ վաւերական են հայոց պատրիարքի արժանաւոր գանգաւին... Հէվքէթ փաշան պատասխանեց, որ ինքը պիտի հովանաւորէ հայերին ոչ թէ խոստումներով, այլ գործով: Կուզենք յուսալ, որ իրողութիւնները կը հաստատեն այդ խօսքերը և որ Մահմադ Հէվքէթը պիտի խզէ իր համերաշխութիւնը Ազանայի անպատիժ մնացած ջարդարարների հետ: Այլապէս, այն կօմիտէն, որի ներկայացուցիչն է նա կառավարութեան մէջ, ծանր պատասխանատուութիւններ կըստանան — այլ ևս ոչ թէ Աթրիկայի ու Եւրոպայի, այլ Ասիոյ մէջ»:

Պիտի կարողանա՞յ «Իտտիհատ» երեւիցէ լիովին քաւել իր սատարած այդ վիթխարի ոճիրը — չգիտենք: Պապիկեանի տեղեկագիրը մերկացնում է թիւրքական սահմանադրականների ճշմարիտ պատկերը իր վայրենի և այլանդակ մերկութեամբ: Հայ ժողովուրդը և իր կուսակցութիւնները երբեք չեն մոռնայ և չեն ների արարքները այդ քաւմեղի կամօռուայի, որ եւրոպականութեան շղարշի տակ պահպանում է իր դաժան, արիւն-ռուշտ մօնօրականութիւնը: Հայ ժողովուրդը երբեք չի վստահի Հաճի Ադիլ բէյերի կազմակերպութեան ու կառավարութեան և Ազանայի արտասելի մերկացումները կը կազմեն մի նոր, վճռական ու ահաւոր փաստ, որ կը հարկադրէ մեզ՝ ապաւինելու եւրոպական կօնսորին:

Վ.

Պ Ա Տ Մ Ա Կ Ա Ն

XI

ՀԱՅԿԱԿԱՆ ԽՆԴՐԻ ԺԱԳՈՒՍԸ

ՀԱՅԱՍՏԱՆԸ ԱԶԳԱՅԻՆ ԺՈՂՈՎԻ ՄԵՋ

Խրիմեանի չուն Մոյ դաւիթ ղէպի Պօլիս. — Ժողովրդական «կեցցե-ներ» եւ յոյսեր. — Խրիմեան-պատիարքը եւ գաւառական հարսանա-րութիւնների խնդիր. — Ժողովրդական հանրագրութիւն. — Երկիւղ եւ Բաթ Ազգային ժողովի մէջ. — Վէնսիների եւ ջօզերի ինստիգր. — Հայաստանցու գանգաւները Ազգային Խորհրդարանում. — Կորովի ճառեր. — 1870-ի Տեղեկագիրը. — Զարիքներ եւ դարմաններ. — 1871-ի հոկտեմբերեան պատմական նիստ. — Ըմբոս յայտարարութիւններ. — Փափաղեան եւ Օսեան. — Գաղափարական փոխմասնաւորութիւն եւ երկչոս մեծամասնութիւն. — Հայկական հարցը զարմում է աղայական չկա-մութեան. — Անվերջ ձգձգումներ. — Խրիմեանի յուսանաւ ժեսերը. — Ըմբոս վեղարաններ. — Գաղափարական ժողովը ընդդէմ ժողովրդական պատիարքի. — Խրիմեանի փորձերը Սահմանադրութիւնը վերանայելու. — Ֆիսակօ եւ հրաժարական. — «Երթաս բարեա՛ւ, Արմուի».

Դեռ 1865-ին կազմած «Ցեղեկագիր Բաղաբական ժողովոյ Կեդր. Վարչութեան առ Ազգային Ընդհանուր ժողով» փաստագրի մէջ կարգում ենք «Հարստահա-րութիւնը» խորագրի տակ.

Ջանազան հարստահարութեանց ենթակայ են գլխաւո-րապէս Չարսանձախ, Քղի, Բաղէշ, Տիգրանակերտ, Վան, Մուշ, Մարաշ, Խարբերդ, Հաճին ևայլն:

Չարսանձախի հայոց բողոքները իսկզբան Չեր Տէր է-պէ կի ի ն եր ու գործած անիրաւութեանց և արքունի տրոց անիրաւ բաշխման վրայ էին... Մէկ կողմէն Չարսան-ձախի հայ յը կը պնդէ, թէ իր վարած արտը և այգին և նստած տունն ու խանութը իրն է, միւս կողմէն Տէր էպէ կի ի ն ի վաղուց անտի հողատէր զբա-նուելուն արտօնութեան վրայ խրոխտալով, արտ, ա յ գ ի, տ ու ն և խա ն ու թ կը գրաւէ և կ'աճ հարկի տակ կը ձգէ:

Բաղէշ, ստեպ բրգական արշաւախմբին ենթակայ ըլլալով, ժողովուրդը միշտ ահ ու դողի մէջ և անձնական ապահա-վութենէն զուրկ է...

Տիգրանակերտ կը տազնապէր ֆէթիւհ պէկ անուն բռն-նաւորին ձեռքէն: Վանայ ժողովուրդը թիմուրիան պէկերուն լարած գաղտնի դարաններէն և ասոնց աքսորման վճռոյն համար անդադար կը թախանձէին...

Եւ միշտ Բ. Գուռը այդ պէկերու դէմ եղած ամ-բաստանեալների բնութիւնը կը յանձնէր տեղական իշխանութիւններին... այսինքն պարզապէս կը բնացնէր գործը:

Վրացաց (երեւի, չէրբէզներ. Մ. Վ.) գաղթականութեա պատճառաւ... այլ և այլ հայաբնակ բաղաբներէն անիրա-ւութեանց տեսարան եղած են Երզնկայ, Բիւնկեան, Զաւառ Եւդօկիա, Բալու ևայլն:

Ապա նոյն փաստագրի մի բանի հակիրճ տողերի մէջ խառցրած են անթիւ բողոքները տուրքերի ծանրու-թեան և կատարուող ապօրինութիւնների ու կամայա-կանութիւնների մասին...

Հայկական հարցը վախժխելով ներս էր սահում Ազգային ժողովի մէջ, օգտւելով այն հանգամանքից, որ օսմանեան կառավարութիւնը Սահմանադրութեան մի յօդւածով անուղղակի թողլատրում էր հայ համայնքին՝ ներկայացնել գանգատներ իր կրած հարստահարու-թիւնների առթիւ:

Բայց հայոց հարստահարութիւնների ու պահանջ-ների խնդիրը որոշակի հրապարակ դրեց և արծարծեց միայն այն օրից, երբ պատրիարքական գահ բարձրացաւ Խրիմեան (1869 թ.):

Ժողովրդական մեծ քարոզչի անակնկալ թատերա-մուտը — իր հօտի գերագոյն ղեկավարի պաշտօնով — ինքնին արդէն մի ահագին սենսասիօն էր: Ժողովուրդը ոգևորւած կեցցէներով ճամբեց նրան Ցարօնից — «Հայ-րի՛կ մեզի չմոռնաս» գոչելով — նոյն ժողովուրդը գրկա-բաց և անխառն ցնծութեամբ դիմաւորեց իր Հայրիկին սուրբմաննիստ մայրաքաղաքում... «Կեցցէ՛ Խրիմեան» — հնչում էր անդադար գաւառական հաղարաւոր մշակ-ների կոկորդներին, սրտերը տրոփում էին, յոյսերը թեւաւորւում — և ժողովրդական խանդավառ միամտու-թիւնը երազում էր, թէ ահա հասել է վայրկեանը, երբ ազգի սիրեցեալ հովիւը, նրա վշտերի ու գան-գատների ամենահարազատ թարգմանը, պատրիարքա-կան աթոռից պիտի լսեցնէ կառավարութեան ազգի

ձայնը, պիտի պահանջէ ու ստանայ բարենորոգումներ, դարձաններ...

«Աստուծոյ Երկունք» Պօլիս գաղութ, երկու հիմնական մտահոգութիւն ցոյց աւելցնելու սկզբնական վերջը...

1. Արեւմտեան Սահմանադրութիւնը, լայնացնել, յարմարեցնել այն գաղափարներն, որոնք հիմնականապէս այդ դժբախտ մեքենան, այդ «բառակուսի անիւնը», որ չէր կարող առաջ սահել, այլ շարունակ ճարձատու էր, հրաւիրելով պարբերաբար թշնամու ուշադրութիւնը, որ արդէն երկու անգամ տաս տարւայ ընթացքում մեկնել էր իր բիրտ թաթը և խափանել:

2. Բայց մանաւանդ ժողովրդական պատրիարքի անդիմադրելի տենչն էր՝ ուղղել Պօլիս հայութեան, Ազգային ժողովի և կենտրոնական կառավարութեան աչքերը դէպի Հայաստան:

Ուշադրաւ է արդէն պատրիարքութեան առաջին ակար, որ եղբարկատակի ընդթ ստացաւ:

Եւ ուխտ կրնամ ազգին ծառայելու — դիմում է խրիմեան Ազգային ժողովին — գուցէ ալ հետո պէտք է ուխտ ընէր... Մշտ գաղտնի և վառ ժողովուրդը իր վիճակի թեթեւացումը կըսպասէ, եւ խոստացած եմ նրան, պէտք է աշխատինք...

Եւ անհաճոյ տեսարան Սկեպտիկ պատրիարքը, որ շատ էլ, ըստ երևոյթին, հաւատ չունէր Ազգային ժողովի մեծամասնութեան ժողովրդասէր տրամադրութեան վրայ, կրկնում է իր պահանջը. «Դուք արդէն գործակցել ինձ... Իսկ ժողովից առարկում են, թէ Սահմանադրութեան մէջ չկայ օրէնք, որ թելադրէր Ազգային ժողովի անդամներին ևս ուխտ անել»:

Իմ վրաս Պօլիս պատրիարքի պէս մի նայիր. ես Հայաստանի ցառոց պատկերն եմ: Զը գիտեմ, թէ իմ նախորդըս ի՞նչ կերպով միջնորդած են Տէրութեան՝ այս ցառոց դարձանը խնդրելու համար, բայց ես ազգու միջնորդութիւն մը պիտի ընեմ...

Եւ ահա շուտով սկսում են թափուիլ Ազգային ժողովի հասցէին այսպէս կոչւած «ժողովրդական հանրագրութիւնները»: Սահմանադրութիւնը հիմնելուց ի վեր՝ առաջին անգամն էր, որ հրապարակ էր գալիս այդ նոր տարրը, «ժողովրդական հանրագրութիւնը», որ կազմւում էին գլխաւորապէս պոլսաբնակ հայաստանցի մշակների ձեռքով (գուցէ յաճախ նոյն խրիմեանի թելադրութեամբ), նկարագրում էին երկրի մէջ կատարուող հարստահարութիւնները և աղիողորմ շեշտերով դարձան էին խնդրում:

Ալեկոծւում է Ազգային ժողովը: Դող է ընկնում անդամներից շատերի մէջ, խրիմեան պահանջում է, որ ժողովրդական հանրագրութիւնները կարգացնեն Ազգային խորհրդարանում: Մի մասը հակառակում է, դիմելով այդ «կամայական» թղթերի ընթերցումը իբրեւ բացարձակ ըմբոստացում տէրութեան դէմ:

Եւ սկսում է խրիմեանի պատրիարքութեան ծանօթ

քաօսը: Ի՞նչ ենք քոյտ են անում Ազգային ժողովը ու պատրիարքը, մեծամասնութիւն յաճախ չի ընկնում և նիստերը չեն կայանում: Դառնացած և յուսահատ՝ խրիմեան մի օր բացականչում է...

Ձիւ նաւապետ կոչեցի՜ր ազգային ալեկոծեալ նաւուն և նաւն ինձ յանձնելէ ետեւ ամենքնի՜դ ալ փախչելով, զիս միայնակ թողուցիր. կը նայեմ չորս կողմս, բայց նաւատի մը չեմ գտնել: Եթէ գուցէ կը փախչիր, միթէ՞ ես չեմ կրնար. իմ թեւերս աւելի ազատ են. վարդապետ ինչո՞ւ եղեր ենք. ազատութեան համար...

Արեւմտեան, երկար ձգձգութիւնից ու վարանումներից յետոյ, Ազգային ժողովի ջոջերը բերան են բաց անում «մահու և կենաց խնդրի» մասին, հայկական խնդրի մասին: Որոշում են կարգաւ պոլսաբնակ հայաստանցիների հանրագիրը, ուր ի միջի այլոց ասւած էր.

Սրբազան տէր. Մեր գաւառաբնակ հայրենակից եղբարց տառապեալ վիճակը մեր սրտին մահացու խոց մըն է... Անտարակոյս, Ձեզի հետ մէկտեղ բոլոր կրօնի և ազգութեան պատուոյն նախանձախնդիր սրտերը այդ անյուր և անօրինակ եղեռնագործութիւններէն կը ձմլւին: Ուստի կը խնդրենք, որ այս աղետից անմիջապէս դարձան մը տարւի:

Ձայներ կային, որ ասում էին, թէ Ընդհանուր ժողովի քննելիք բան չէ այս Ուրիշները գանգատում էին, թէ ինչո՞ւ այդ հանրագիրները չեն ուղղւում քաղաքական ժողովին: Ուրիշները խորհուրդ էին տալիս սպասել, մինչև որ սաացնին տեղեկութիւններ գաւառներից: Այս կամ այն ձևով կամենում էին ջուրը գցել հայկական հարցը...

Գտնւեցան, այնուամենայնիւ, շիտակ ու արի հայ քաղաքացիներ, որոնց չէր իսպառ անդամալուծել աւանդական երկչոտութիւնն ու սարկամառութիւնը և որոնք համարձակ ձայն բարձրացրին հարստահարութիւնների ցառոտ խնդրի առթիւ:

Յիշատակներ երկու խօսքով մի քանիսը այդ կորովի ու մեղադրական ճառերից *).

Իփէքճեան էֆէնտի.

Միթէ՞ ուրիշ մասնաւոր բողոքագիրներ ալ եկած չէին վարչութեան և միթէ՞ Բ. Դրան հաղորդւած չէին: Ընդհանուր մասնաւորներէ կը բողոքանայ. մասնաւոր եղելութիւններու առթիւ եղած բողոքները գոհացուցիչ վիճակ մը չեն ընդունած և ասկէ ծագած է ահա այս հանրական բողոքի գաղափարը...

«Խնդրէն կը շեղիր» — միջամտում է ուլտրա-խոհական ատենապետը, տեսնելով վերջին բառերի մէջ բողոք ընդդէմ կենտրոնական կառավարութեան:

Ջաւաշտական է Իփէքճեանի ընկալիչը.

Գաւառներէն եկած բողոքները հաղորդւած են Բ. Դրան և Տէրութիւնն ալ հոգ տարած է, բայց գաւառներէն դադարած չեն երբէք հարստահարեալ ժողովրդեան հեծեծումները:

Խրիմիա եպիսկոպոս.

Ստիպւած եմ իմ խղճիս պարտք, հայրենեացս պարտք, մարդկութեան պարտք կատարել, առանց ինչ երկիւղի և

*) Յետ Ատենագրութիւնը Ազգային ժողովոյ. նիստ 25 հոկտ. 1870 թ.:

տարակուսանաց, զի պիտոյ համառօտիւ բացատրել մեր եղբարց վրայ ծանրացած աղէտալի հարւածներ ու հարստահարութիւնք...

Եւ յայտարարում է, որ հայաստանցիներ կրկու կերպ կը հարստահարուի. նախ ներքին անմիաբանութիւնից, մասնիչ ու դաւաճան հայերից, ապա և արտաքին թըշնամիներէն։ Արտաքին բռնաւորներն են — ք ի լ ը ր զ ե ր ը. հռչակաւոր պէյեր... Յիշում է Խզնայ շէյխ Սապատուլա հը և նրա որդի Զալալ Գ. Գ. Ի ն ը։

Հոն բռնաւորաց խումբ մը կայ — ասում է մի այլ երեսփոխան — ք ի լ ը ր տ ն է անի, որ մեզի պէս հպատակ չէ տէրութեան, որ տուրք չտար, այլ թշուառ հայը կը կեղծքէ և կ'ապագատակէ զէն 'ի ձեռին...

Միջամտում է ինքը պատրիարք-Խորհմանը և տալիս է իր մեկնութիւնը չարիքի պատճառների մասին։

Բան մը կայ, որ պիտի բացատրեմ վարդապետօրէն։ Հայաստանի մէջ հարստահարութիւնը միշտ կայ և պիտի շարունակէ, քանի որ հոն երկու եղբայր, երկու ժողովուրդ կը բնակին, որոց մէկի ձեռք աւետարան և միւսին ձեռք զուրան կայ... Անկարելի է, որ քիւրդն ու հայը իրարու հետ հաշտին, մ ա ն ա լ ա ն զ ո Ր մ է կ ը ս ու ը ու ն ի և կ ը հ ա Ր լ ա ծ է, միւսն աւետարան ունի միայն և կը չարչարուի...

Եւ Խորհման մէկ էական դարման է առաջարկում. այն՝ որ քրիստոնեայ և մահմեդական հաւասարապէս պաշտօնեայ լինին։

Երբ հաւասարութեան սկզբունքն ի գործ դրւի և քիւրդը տեսնէ, որ քրիստոնէին մէջքն այ պաշտօնական թուր մը կայ կախած և կուսակալի պաշտօն կը բարձրանայ, այն ատեն կըմբռնէ օրինաբարի ոգին։

Պատրիարքը այդ իմաստով էլ դիմումն պիտի անէ օսմանեան կառավարութեան։

Քիչ յետոյ, 27 նոյեմբերի նիստի մէջ (1870 թ.) նա նորէն ծանրանում է այն պատճառների վրայ, որոնք — Խորհմանական արտայայտութեամբ — «ազգը բարակացաւ մէջ դրած են»։ Այս անգամ ծանրանում է ներքին պատճառների վրայ, գիտակցութեան, ինքնաճանաչութեան պակասի վրայ, ժողովրդի ագիտութեան ու անշարժութեան վրայ, որ պատճառ դառն են հայոց ստրկութեան...

Ժողովուրդն անմուռն ոչխար մը դարձած, ոչ իւր իրաւունքներն կը ծանչէ, ոչ պիտոյքները կը զգայ և ոչ օրինաց տեղեկութիւն ունի... Աշխարհի արդի դրութեան համեմատ՝ ով որ ագէտ է, պիտի բռնաբարուի և լոյսը միայն ազատութիւն վայելէ...

Վիճաբանութիւնները քանի գնում տաքանում են, Հին, պատկառելի գործիչներից մի բանիսը, որ եղած էին Ազգային Վերածնութեան, Սահմանադրութեան սիւները — Ռուսիեան, Սերվիլեան և այլն — պահպանում են խոհեմ, զգուշաւոր լռութիւն այդ հանդիսաւոր նիստերի մէջ և մեծ մասամբ նոր դէմքեր են, որ անվախ, համարձակ բեմ են նետում իրենց կծու բնադատութիւններով ընդդէմ թիւրք-քիւրդական այլանդակ ու խեղճի։

Ահա և երիտասարդ Ներսէս եպիսկոպոսը ամբիօնի վրայ, — ապագայ Վարժապետեանը.

Օսմանեան տէրութեան սկզբնաւորութեան ատեն հարստահարութիւն չկող (sic), զի ղուրանի ոգին ճշտիւ կը մեկնէր... Բայց ի վերջոյ վարդապետութիւնը այլ իմաստ մեկնած է զանի...

Հարստահարութիւններու գլխաւոր պատճառն է մէկ կողմէ գաւառներու պաշտօնատարաց անձեռնհասութիւնը և միւս կողմէ մերազնեից ագիտութիւնը... Ի ն չ ս ու հ ա յ ը ի բ բ ք ա զ ա ք ա ց ի ա մ ե ն պ ա Ր տ ու ց մ ա ն ն ա կ ց ի և ի Ր ա լ ու ն ք ն ե Ր է ն զ ու ը կ մ ն ա յ. ինչո՞ւ այս վիճակը տէրութեան ուշադրութեանը չի ներկայացւի։

Եւ Ներսէս առաջարկում է քննիչ Յանձնաժողով ընտրել և հանդիսաւորապէս ներկայացնել խնդիրը Բ. Դրան։

Չափազանց հետաքրքրական է այն արիւնոտ պատմական փաստաթուղթը, այն առաջին Տեղեկագիրը, որ կազմեցաւ 1870-ին, Ազգային Ընդհանուր Ժողովի հրահանգով և նրա ընտրած Յանձնաժողովի ձեռքով։

Նա կազմած էր այն մի շարք մասնաւոր տեղեկագիրների հիման վրայ, որ եկել էին — նոյն Ազգային Ժողովի յանձնարարութեամբ — Հայաստանի այլ և այլ գաւառներից։ Նա ամփոփում էր և մի մասը այն հարուստ նիւթերի, որ տաննակ տարիներից ի վեր գիշւել էին Հայոց Պատրիարքարանում։ Նա, այնուամենայնիւ, դեռ չէր տալիս լիակատար պատկերը թիւրքահայոց դժոխային գոյութեան, չէր բնաւ ներկայացնում հայ ժողովրդի հսկայական դատապարտւել... Դեռ դժգոյն էր և վեհերոտ այդ «առջին հանդիսաւոր Յիշատակագիրը, դեռ չէին էլ հասել հայ քննիչ Յանձնաժողովի տկանջներին բոլոր գաւառների հարստահարութեանց արձագանքները. մի շարք վայրերի հայ առաջնորդները — զարհուրած վրիժառութեան ահաւոր հեռապատկերից — աղաչում էին չհրատարակել այն արիւնոտ գազանների անունները, որոնք իբրեւ մի մի ինքնակալ, միահեծան տէրեր, դարձել էին պատուհաս հայ խաղաղ ժողովրդի համար։ Իսկ մի շարք գաւառներ — Իզմիր, Բրուսսա, Ալթամար, Սեբաստիա, Քեօթահեա, Յիվրիկ, Բալու չէին էլ զրկել ունէ տեղեկագիր — նոյն երկիւղից, անտարակոյս։

Բայց և այնպէս, այդ կիսատ ու երկչոտ փաստագիրն անգամ «հագին լոյս էր սփռում երկրի կացութեան վրայ, մերկացնում էր նրա էական ու մշտնջենաւոր վերքերը։ Յանձնաժողովը, Ներսէսի նախագահութեամբ, աշխատեց եռանդով շարիքները, նրանց հիմնական պատճառները որոշած են, դասակարգած (classé)։

Առաջին անգամը արւում էր Հայաստանի կացութեան շատ թէ քիչ լուրջ անալիզ — վերլուծումն այն բոլոր պատուհասների, որ կրծում ու լափում էին հայութեան օրգանիզմը։

Առաջին անգամը, մանաւանդ, տուրքերի բարդ ու ոճրանիւթ մեքանիզմը հրապարակ էր դրուում շատ թեքիչ լուսաբանած:

Առաջին անգամը ցուցադրուում էր հայ ձեռքերով քրդական աւատապետութեան էութիւնը, այն սոսկալի խարազանը, որ ամենից աւելի էր կորացրել հայաստանցու մէջքը, որ ամենից աւելի էր ցամաքեցրել նրա կեանքի ու ապրուստի աղբիւրները:

Վերջապէս, առաջին անգամ էր, որ հայկական խնդիրը, իր հրատապ պահանջներով, ամրապնդւած հազարաւոր աղաղակող փաստերով, պիտի երթար բազմալուօսմանեան կառավարութեան դուռը, պիտի ներկայացէր սաղարգամին և սուլթանին:

Տեղեկագիրը ասում է, որ ամենից շատ ասպատակութեան ու հարստահարութեան ենթակայ են Երզրումի և Դիարբեկիւրի վիլայէթները, այն է՝ Վան, Քղի, Դերջան, Բաղէշ, Մուշ, Զարսանձաք, Տիգրանակերտ, Սղերդ, որ այդ գաւառները հարստահարող աւազակների անունները ծանօթ են յականէ յանանէ և նրանց արարքները տեղեկագրւած... որ հայնպիսի եղելութիւններ կան, որ ընթերցողին սոսկում կուտան... որ Սահմանագրութեան շնորհած ազգային գաւառական մարմինները անզօր են այդ սանձարձակ կամայականութիւնների դէմ, որ հեպիսկոպոսները չեն կրնար միջնորդել այդպիսի ցաւոյ, որ պաշտօնեաները ծաղրուում են նրանց ու յետ մղում, հօն տեղը եկեղեցին է՝ ասելով... Տեղեկագիրը յայտարարում է, որ Բ. Դրան միջնորդութեամբ հայերը յաղորդած են զուտ կրօնական բնոյթ ունեցող հարցերի մէջ միայն, որ բոլոր միւս պատրիարքական թագրիւնները, թուով 529 (մինչև 1870 թւականը), մնացել են անհետաւանք, որ այդ թագրիւների նիւթ են եղել՝ կառավարական պաշտօնեաների զեղծումները, կանանց և մանկանց բռնի իսլամացումը, ապա և աւազակութիւններ, առևանգութիւններ, սպանութիւններ, հեկեղեցեաց շինութեանց և կոնսկահարութեանց արգելում... Ննջեցելոց յուղարկաւորութեան և կրօնական հանդիսից արգելում և այլն. ապա բանի՝ թագրիւներ քրիստոնէի վկայութեան չընդունելու մասին, հարկերի բաշխման ու հաւաքման վերաբերմամբ և այլն և այլն:

Եւ Քենիչ Եանձնաժողովը արիաբար եզրակացնում է, որ Բ. Դրան հրամանագիրները հանրաւական եղած են... և որ, հետեւաբար, պէտք է փոխել թագրիւների սովորական ձևը և դիմել արտակարգ միջոցի... Բ. Դուռը, սովորական հրամանագիրներէն դուրս, պէտք է ուրիշ եղանակի մը դիմէ: Եանձնաժողովը իր կողմից ցոյց է տալիս մի քանի դարմաններու նա նկատում է, որ տուրքերի խնդրի մէջ գաւառացիք առանձնապէս գանգատուում են միւլթէզլիներին, հարկահաւաքներից:

Կրնանք ըսել, որ եթէ ժողովուրդը 100 զուրուշ կը վճարէ, կէսը միայն և թերևս աւելի նւազը կը մտնէ արքունի գանձը... Այս հրէշաւոր կեղեքումների շնորհիւ, աշխատանքի գլխաւոր աղբիւրը, երկրագործութիւնը «միւլթէզլիներուն ձեռք հոգեվարք եղած է»:

Ժողովուրդը աղիողորմ գանգատուում էր նաև զինւորական տուրքի առթիւ («Ասկէր պէտէլիյէ»): Բաւական չէ, ասում էր նա, որ այդ տուրքը ինքնին արդէն մի հրէշաւոր ապօրինութիւն էր (քանի որ ամեն մի արու զաւակ, նորածինից մինչև զառամեալը որոշ տուրք պիտի վճարէր, շուրջ 28 զուրուշ, այլ և ազգահամարի ճշտութիւնը չլինելով, մեռնողների, գաղթողների տուրքն ևս մնացեալներից էին պահանջուում... Ուստի յաճախ կրօնափոխ էին լինում, որպէս զի ազատին պակսողների փոխարէն վճարելուց...:

Պաշտօնեաների զեղծումները վերացնելու համար, Եանձնաժողովը թելադրում է, որ կառավարութիւնը կօնտրօլ սահմանէ նրանց վրայ...:

Ապա թելադրում է. 1. զինաթափ անել քրդերին, չէրքէզներին և այլ նօմադ ու թաւանջի լեռնականներին, և կամ հայ տարրին ևս իրաւունք տալ զինւելու:

2. Զինւորական տրոց փոխարէն — զինւոր աւալ... 2է, մենք էլ քաղաքացիներ ենք, ասում են Տեղեկագրի խմբագրողները, պատրաստ մեր արիւնը թափելու մահմեդական հայրենակիցների հետ, ընդհանուր հայրենիքի համար...:

Նախ քան կառավարութեան ներկայացելը, Տեղեկագիրը պիտի անցնէր «հայկական պարլամենտի» բնութեան բովից, պիտի գար Ազգային ժողով:

Գիտակ վայրկեանի լրջութեան, ժողովրդի ծանր, տագնապալի կացութեան՝ Ազգային ժողովի պարտաճանաչ, գաղափարական փոքրամասնութիւնը ամեն կերպ աշխատեց, որպէս զի վիճաբանութիւնները համազգային ամենացաւոտ խնդրի շուրջը միան պատշաճ բարձրութեան վրայ, որպէս զի խնդիրը արծարծւէր ընդարձակութեամբ ու խորութեամբ, առանց երկչոտ և անարժան վարագործութեան ու վերապահումների:

Եւ տեղի ունեցաւ 1871-ի հոկտեմբեր 22-ի պատմական, հանդիսաւոր նիստը: Գուցէ երբեք Ղալաթայի հայկական խօսարանը չէր ունեցել այնքան հմայք ու հրապոյր, ինչպէս այդ օրը, երբ հռետորները — բոլոր խաւերի ու կարծիքների պատկանող — մին միւսի ետևից բեմ էին գալիս իրենց շահեկան դատողութիւններով հայրենիքի կացութեան մասին և իւրաքանչիւրը առաջադրում էր իր դարմանները: Լսեցին այգտեղ հուժկու քննադատականներ ու ժիմի դէմ, բուռն, ըմբոսա յայտարարութիւններ, սիրուն ու յուզիչ ֆիլիպպիկաներ, որոնց կարգալիս զգում էք ձեզ ազատ Ամբրիկայի մի հայկական միտինգի մէջ...:

Յիշատակենք մի բանի գծեր այդ անմոռանալի ժողովից *):

*) Տես Ատենագրութիւնը Ազգային ժողովոյ, 1871 թ.:

Ահա Ստ. Փափազեանը, որ մոլեռանդ պաշտպան էր հայերի զինւորագրութեան.

Զինւորագրութիւնը—ասում է նա—բարոյապէս պիտի զօրացնէ հայ ժողովուրդը և զգացնէ, որ ինք ալ երկրին տէրն է... համահասարակ պարտաւոր իր օտմանցի հայրենակցին հետ իր ծառայութիւնը մատուցանել երկրին: Այժմ որ մահամտական ժողովրդեան հետ իբրեւ ծառայ ընդ տեսան կը վարւի, ան ատեն պիտի փոխւի... Այն խեղճ հայր, որ այժմ իր կնոջ առեւտրութեանը կամ զաւակին յափշտակութեան առջև մորմոքած, թեւերը ծալած կը կենայ սոսկումէն կամ աղետալ սրտով կը խոնարհի յաղերս, որպէս զի ի գութ շարժի բռնաւորին փրտը... այն ատեն այդպիսի տխուր և սրտածմիկ պարագայի մէջ չպիտի թուանայ, զի ստրկութեան գաղափարն այլ ևն զինքը չպաշարէր, այլ ոգի՝ պիտի առնու և ինքզինքը պաշտպանելու փորձն ընել պիտի ձգնի կատաղի մոլեգնութեամբ սրտապիտի ն գրան դրան զբիւրտն պիտի կուի անոր հետ և քաջութեամբ իր պատիւն ու կիները կամ զաւակը պիտի ազատէ անօրէն ինձեռքէն և գանի վանէ...

Հոնտորը միշտ աւելի և աւելի յափշտակում է, անը բարձրացնում և զգում էր, որ զինւորագրութեան պատրուակի տակ իրօք մարտական, յեղափոխական պրօպագանդ է անում Ազգային ժողովի բնից.

Զինքը ներկայ ժամանակին մէջ պատուոյ, ընչից և կենաց պահպանութեան հարկաւոր պիտոյք մ'է: Ասկէ զատ, եթէ քննենք, թէ որչափ պանդուխտ ունինք այժմ, ատենց պատճառաւ որչափ երկիր անմշակ մնացած է, որչափ զաւակ տարւէ տարի կը կորսնցնենք, որչափ պանդուխտ օտարութեան մէջ կը կորսնցնենք և այլն և այլն, այն ատեն լաւ կը հասկնանք, թէ գաւառացիք փոխանակ կենանք ամբողջ հողագործութեամբ անցնելու, եթէ անոր մէկ մասն վաւօգ դործածելու սուր շուքացնելու նւիրեն, իրենց քրտանց արդիւնքը պահպանելու նիւթական շահու առաւելութիւն մը երևան պիտի գայ...

Ահա Գրիգոր Օտեան, որ թողնում է ատենապետի բազկաթուռը և փր հերթին մի *horangue* է ուղղում վարանոտ Ազգային ժողովին.

Զինուական տուրքը մեր տկարութեան տուրքն է: Հայը, ինչպէս ուրիշ աշխարհական ազգեր, հայրենեաց համար արիւն թափելու իբրեւ թէ անկարող զէնք գործածելու, բոլոր երկրին պաշտպանութիւնը մէկ ազգ մը վրան առած է և այս պաշտպանութեան փոխարէն միւս ազգերը հարկ մը կը վճարեն... Այդպիսի դրութեան մէջ հաւասարութիւնն անկարելի է... Երբ զինւորին յատուկ եղած պատուոյ զգացումը զարգանայ մեր մէջ ալ, այն ատեն հայը պիտի գտնէ իր նախնի նկարագրի, զոր պիտի վերականգնէ քրտմանն և ապականութիւնը... Դարերով գերութեան վիճակի հետեւ... Թայանքն աշխարհին, ի՞նչ մենք ալ մարդ ենք և արիւնքեան ընդունակ...

*) Օտեան ևս համարում է նախայեղափոխական շրջանը յաղորման ու ապականութեան վիճակ, մի կատարեալ *chute, déchéance*... Ինչ կ'ասեն իրենց մեծարած կուռքի դէմ մեր այն իմաստուն իդէօլոգները — թիւրքահայ և ռուսահայ — որոնք ցաւով ու կարօտով երանի տւին այդ հին բարի ժամանակին և անխնայ քարկոծեցին յեղափոխականներին, որ եկան փոթորկելու ապականութեան ու անասնացման այդ մթնոլորտը...

Արժէ և գերազանցապէս այժմեական է՝ կարգալու կրկնել այս կորովի և բանական ճառերը ներկայ Ազգային ժողովի *ultra*-խոհմ և թուլամորթ մեծամասնութեան, որի ուղեղի մէջ «ինքնապաշտպանութիւն» բառն անգամ մի սարսափելի և անհանդուրժելի պատուհասի բնոյթ է առնում...

Դարձեալ պիտի ասենք. *tempora non mutantur!* Այն ժամանակ ևս կար նոյն խոհմ, աստուծափախ և սուլթանափախ մեծամասնութիւնը, որ ամեն կերպ ճրգատում էր արգելք լինել գաղափարական և կորովի փորձամասնութեան ծրագիրներին: Մեր ազգային ջոջերին հաճելի չէր գաւառական հարստահարութիւնների, «հայկական խնդրի» արծարծումը Ազգային ժողովի մէջ, հաճելի չէին մանաւանդ այդ ըմբոստ ճառերը թիւրքական ուժովի այլանդակութիւնների դէմ. հաճելի չէր այն ամենը, որ գալիս էր վրդովելու հայ բուրժուայի, պոլսահայի անդորրութիւնը:

Եւ ահա Զանձնաթողի Տեղեկագիրը զարնեց նոյն աղայական ապիկարութեան, չկամութեան, խրիմեան և ժողովականների մի մասը յորդորում էին շտապել, ներկայացնել Տեղեկագիրը կենտրոնական կառավարութեան իսկ ժողովի մեծամասնութիւնը դիտմամբ ձգձգում էր, ուշացնում, շարունակ հանգէս բերելով նոր, աննշան, երկրորդական խնդիրներ, թաղային, առաջնորդական, կաթողիկոսական, Սսի, Աղթամարի, Լորուսաղէմի և այլն: 1872-ի փետրուար 18-ի նիստի մէջ խրիմեան, ճարահատեալ միջամտեց փոքր ինչ միապետական ձեռք և ուղղեց իր ուժերն յորդորը ժողովին.

Իբրեւ դիտող և հովիւ, պատրիարքութեան բարձր գահէն, կը համարձակիմ ասել, ես ձենէ առաւել կը տեսնեմ Ազգին վերահաս վտանգները: Թողէք, ուրեմն, և այդ իրաւունքը շնորհեցէք ինձի, թէ ո՞ր խնդիրն է կարևոր, ո՞րը նախագահելի... Ուստի իբրեւ ներկայ պարտք, պէտք է ի բաց թողում այն խնդիրներ, յորոց յապաղմանէ ոչինչ վնաս չեմ տեսնել և միայն այն խնդիրներ վարեմ յառաջ, որոց լուծումը ժողովրդեան ներկայ աղէտները կը բաւանայ... Ժողովրդեան համար ամեն բան պէտք է զոհել, զի ժողովրդեան ձայնն ամենէն բարձր կ'ընէ (ծափահարութիւն)...

Ապա մի ցոսկոտ յորդոր կարգաց նաև Լորեմիա եպիսկոպոսը.

Ես որ Հայաստանի ամեն անկիւնները շրջած, ականատես եղած եմ միլիոնաւոր հայ ժողովրդեան կրած զրկանաց, ցաւոց և նեղութեանց, կը խնդրեմ ու կը պաղատիմ, որ ով որ խիղճ ու գութ ունի իր սրտի մէջ, գաւառական հարստահարութեան խնդիրն որոշէ ընել նախագահ, գերագահ և յառաջագահ... Անձնական շահեր շատ անգամ այս խնդրոյն արգելք հանդիսացան, որոյ դէմ ես յաւիտեան պիտի բողոքեմ... Վասն զի այդ անձնական շահերու դէմ (աղաներին է ակնարկել) Մ. Վ. հայութեան ոգին դառնապէս կը բողոքէ և երկիր կը սարսի (ծափեր)...

Թողումը կրօնական կերպարանք չպարեալ սնտաի վեճերն ու կոխները. այդ վեճերն էին, որ զմեզ 36 միլիոնէն ափ մը ժողովուրդ մնալու չափ սպառեցին. — կաթողիկոսութիւն, պատրիարքութիւն, եպիսկոպոսութիւն, Աթոռ և այլն, ամենայն կարգ ու պաշտօնի խնդիր իրենց նշանակութիւնը կը կորսնցնեն ժողովրդեան տառապանաց խնդրոյն բով. վասն զի

այն ամենայն ժողովրդէն կը ծնանին, ժողովրդեան համար են և առանց անոր բան մը չեն արժեք...

Զօջերից մէկը, Պէկեան էֆէնտի — Նշանաւոր Պէկեանը, որ յետագայում (1878-ին) այնքան պիտի զբաղեցնէ և ալեկոծէ Ազգային ժողովը ու պատրիարք վարժապետեանին — խայթաւածի պէս միջամտեց.

«Մեր եկեղեցականաց զգացածը մենք ալ կըզգանք»...

Եւ առաջարկեց մտնել մի քանի փոփոխութիւններ Յեղեկագրի մէջ. այն է՝ 1. Դուրս գցել «մոլեռանդութիւն» բառը (մահմեդականների վերաբերեալ) և դնել «կրօնական խտրութիւն»:

2. Ապա՝ Յեղեկագրի մէջ ասուած է. «կամ քրդաց ձեռքէն զէնքն առնւի և կամ հայոց ձեռքը զէնք արւի»...

Այս խօսքը բնական աղէկ չէ — ասում է Պէկեան էֆէնտի — կարծեմ միայն «քրդաց ձեռքի զէնքն առնւի ըսելը» բառակաշիւն է... Իսկ հայոց ձեռքը արւի ըսելը ծանր է և ես պատշաճ չեմ համարիր...

Այս երկու գիտողութիւնները սքանչելիօրէն յատկանշում են այն ժամանակաւ և բոլոր ժամանակների հայ-աղայական մտայնութիւնը *)...

Ստեղծուել էր մի ծանր, անշնչելի մթնոլորտ հայկական անգամալոյծ պարլամենտում: Եւ ամենից աւելի ծանր էր այն՝ ժողովրդի ցաւերով տառապող պատրիարքի համար: Նա թողել էր իր Տարօնն ու վարագը, եկել էր պատրիարքութեան, որպէս զի քիչ-չատ նպաստել կարողանայ գաւառացոց վիճակի բարւոյթման: Բայց չորս տարւայ պատրիարքութիւնը ոչինչ արդիւնք չտուեց այդ հիմնական և չարատանջ խնդրի շուրջը: Խոչընդոտները գալիս էին ոչ միայն թիւրք կառավարութիւնից, այլ նոյնիսկ հարազատ, ցեղակից աղաներից, որոնց գծուծ ինտրիգները և եսամոլ ու յանցաւոր անտարբերութիւնը աւելի ևս քաջալերում էին սուլթանական կառավարութիւնը իր հայասպան տակտիկի մէջ...

Այդ հողի վրայ և միշտ աւելի ու աւելի արծարծեց ընդհարումը խրիմեանի և Քաղաքական ժողովի միջև:

Խրիմեանի էական առաջարկն էր — փոխել Ազգային Սահմանագրութեան մէջ տիրող վարչական ձևը, սահ-

մանել աշխատանքի բաժանումն, զատել Պոլսոյ և գաւառի գործերը, ըստ կարելոյն արագացնել գործավարութիւնը... Որովհետեւ, ասում էր նա, անհնարին է և փնտսակար՝ կենտրոնացնել ազգային բովանդակ ճակատագրի տնօրինումը՝ Պոլսի մէջ, ի դէմս մի ժողովի, որ բնաւ չէր ներկայացնում Ազգը, Նա կուզէր լայնացնել պատրիարքի իրաւասութիւնը, առանց սեղմելու ժողովի իրաւունքները: Նա առաջարկում էր — «քանի որ 140 երեսփոխան գտնելը խիստ դժւարին է և այդքան բազմութիւնը գործ չի կրնար տեսնել» — իրենցնել երեսփոխանների թիւը 50-ի, բայց դրանցից 10-ը միայն եկեղեցական, իսկ մնացածը՝ հաւասար թւով գաւառացի և պոլսեցի (20-ական հոգի):

Երկար ու ապարդիւն պայքարեց խրիմեանը Սահմանագրութեան վերաբնութեան համար. հակառակորդները անդրդուելի էին: Քաղաքական ժողովը յամառել էր իր անհաշտ ընդդիմութեան մէջ, հռչակել էր խրիմեանին «հակասահմանագրական» և մինչև իսկ փորձեր էր անում գրգռելու ժողովրդին խրիմեանի դէմ: Պատմութիւնը արտասանել է արդէն իր անողորմ դատաւիճիւր այն կուրացած խմբակի դէմ, որ զեկավարում էր այդ տխուր, հակաժողովրդական դաւը և որի անդամներից էր, տարաբախտաբար, Մատթէոս Իզմիրլեան:

Խրիմեան սահմանագրական ծնած է... խիստ դժւարին է գտնի հակասահմանագրական ամբաստանել: Ես՝ Սահմանագրութիւնը գրկել կուզեմ, բայց չեմ ուզեր զանի այնչափ ճշտել ու սեղմել, մինչև գրկի՝ մէջ մեռնի...

Այսպէս էր պատասխանում վարագի Արծիւը Սահմանագրութեան Փորմալիստ տառամոլներին, որոնց աւելի հետաքրքրում էր կանոնագրութեան սիւնի մի ստորակէտը, քան գաւառացի միլիոնաւոր հայ ժողովրդի հեծեծանքը:

Պայքարը չէր կարող անվերջ շարունակւել խրիմեան ստիպեց ի վերջոյ հրաժարել (1873 թ. օգոստոս)՝ Հրաժարեց — ինչպէս ինքն էր ասում իր հրաժարական նամակում — ձանձրոյթից և յուսահատութիւնից:

... Թոյլ տուէր այս ամբողջ երեսմ... Թոյլ տուէր, եթէ իբրեւ պատրիարք չկրցայ, իբրեւ խրիմեան վարդապետ գործել... Երթա՛ն բարեաւ, Արծուի, ասացէ՛ք: Գնա՛՛ գտիր վարագ, քո սիրած խուցճ ու գրիչ և սակաւիկ մի թանապուր, հոն մեծացիր, զի նա խոսվեալ փութայ ի նաւահանգիստ...

Ժողովուրդը հանրագրութեամբ դիմում է Ազգային ժողովին. «մեր սիրելի Հայրիկի հրաժարականը չընդունել»... Բայց արդէն ուշ էր:

Այդպէս փակեցաւ մեր նորագոյն պատմութեան ամենատխուր և ամենայուզիչ դրաւանքից մինը: «Հայկական խնդիրը» ծնունդ առաւ և իր առաջին քայլերի մէջ իսկ զարնւեց ծանր, ահաւոր խոչընդոտներով...

Մ. ՎԱՐՍԱՆՅԱՆ

*) Աւելորդ է յիշատակել, որ գաւառական հարստահարութիւնների Տեղեկագիրն երբ այնքան բուռն վեճերից ու տենդային աշխատանքներից յետոյ, դատապարտուած էր... վիժելու: Քաղաքական ժողովի մկրատումներից ու փոփոխումներից յետոյ, նա ներկայացւեց կառավարութեան: Ընտրւեց վերջինի հրահանգով մի խումբ Յանձնաժողով, որ տեղի ու տեղը քննութիւն կատարելով, երևան հանեց Տեղեկագրի մէջ փաստուած զեղծումներն ու ապօրինութիւնները: Սակայն... այդ արիւնքող գոկուսները զնացին այնուհետեւ հանգստանալու տաճկական մութ, անյատակ արշիվներում: Ոչ մի սանկցիա չհետեւեց կառավարութեան կողմից, ոչ մի փորձ՝ սանձահարելու ոճիրներն ու սքանչելիքները:

Թ Ե Ր Թ Օ Ն

Ի Մ Բ Ա Ն Դ Ը

«Ահա առիկ ժամը գիշերային, որ
այնքան պատշաճ է ամենասեռ ոճի-
րների համար».

Շեֆուպի, «Համլետ».

II

Կ Է Ս Գ Ի Շ Ե Ր Ի Ց Ա Ն Ց

Բնակարանիս դուռը շառաչում էր ուժգին, անընդ-
հատ հարձակումների տակ:

— Ո՞վ է, հարցրի ես մօտենալով:

— Այստեղ է ապրում X...ը. — իմ անունը տւին:

— Այո՛, ի՞նչ էք կամենում:

— Յանուն օրէնքի, բացէ՛ք դուռը:

Պատասխան չտւի...

Գիտէի, որ ժանդարմական խուզարկութիւն է, գիտէի,
որ վերջի վերջոյ պիտի բացեմ դուռը. անմտութիւն էր
գիմարութեան ամենաչնչին փորձ անել, ևս առաւել,
որ թագցնելու բան չունէի, բայց և այնպէս մնացի
լուռ ու խնշարժ և դուռը բաց չէի անում: Այնպէս
զգւելի էր այդ «յանուն օրէնքին», այնպէս ծանր էր
հնազանդւել ու շարժել այդ վայրագ արշաւանքին:

— Բացէ՛ք դուռը, կրկնեց դրսից աւելի վճռական,
աւելի խրոխտ:

Եւ դուռը բացւեց...

Քաղաքային ու գաղտնի ոստիկանների, լրտեսների,
ժանդարմների մի ամբողջ վոհմակ ներս խուժեց. առաջ-
նորդն էր պահնորդական բաժնի (օխրանայի) փոխ-
գնդապետ Բօլշինսկի, ազգով լեհ, Եան Սաբինսկու,
Վոստիլնիցի, Միցկեվիչի, Սլոփացկու, Սինկեվիչի հայրե-
նակիցը, ձխւած, արիւնոտած Լեհաստանի զաւակ:
Ի՞նչ դառն հեգնութիւն այս լեհ... Նա նուրբ գիմա-
գծեր ունէր, բաց գոյն, կապոյտ, մանրիկ աչքեր, սլա-
վոնական բիթ, որ հարբեցութեան հետք չէր կրում
վրան, սուր ծնօտ, յամառօրէն իրար սղմած շրթունք-
ներ, Շարժումները վայելուչ, գրեթէ սալօնական, որ
չգիտեմ սակայն, ինչ մի նողկալի բան ունէին. այս
մարդն ինչ համար հազար անգամ աւելի տանելի կը
լինէր, եթէ իր պաշտօնին, իր ստոր գերին համապա-
տասխան կոպտութիւն ունենար: Բնազդական գարշաւք
էի զգում դէպի այդ վայելուչ ձևերը, դէպի այդ ար-
ւեստական ժպիտը, այդ զգոյշ, գրեթէ երկիւղած շար-
ժումները—նենգ դաւը աւելի կոկւած, աւելի պատրիշ
արտաբին չէր կարող ունենալ: Եւ այդ դաւը ես յստա-
կօրէն տեսնում էի նրա աչքերի մէջ այդ ապակե, պող
բիւրերի վրայ, որոնք մնում էին անշարժ ու անմասն
այդ ժպիտների արւեստականութեան, շարժումների կեղծ

վայելչութեան, ձայնի բռնադատօրէն անուշ ելեւթերին.
այդ երկու բիւրերը, թունաւոր օձի զոյգ աչքեր...

Ես աշխարհում չը գիտեմ ոչինչ աւելի զազրելի, բան
ուսու ժանդարմի աչքերը:

Դրսից տունս շրջապատւած էր կօզակների, ոստի-
կանների, լրտեսների մի ամբողջ քոկառով: Ներսում՝
գիշերային ժամը երկսից անց՝ սկսեց կատաղութեան
օրգիան, վայրագ խրախճանքը մարդկային անարգած
արժանիքի, խորհող բանականութեան վրայ. սկսեց
անամորէն բուլթ և շնականօրէն անպատկառ աւերածը
մի յարկի, որի տակ տնքում, նվլում էր մի հիւանդ
երեխայ, և ուր հսկում էր կատարում իմ ծաւաւած,
իմ խիզճ հոգին, խոկալով տիեզերական հսկայ չարիքի
վրայ:

Հիւանդ փոքրիկս դադարեց նվլալուց, յետին ճիգերը
հաւաքեց ու նետեց դէպի ինձ. նա դողդոջում, վախե-
նում էր սրերի, կօճակների, ուսագիրների փայլից, ոս-
տիկանների բիրտ ոտնաձայներից, դաւադիր, նենգ աչ-
քերից, որոնք պրպտում, պղծում էին տանս բոլոր ան-
կիւնները:

Պահարաններից, արկղներից, սեղանների վրայից թա-
փեցին յատակի վրայ բոլոր ձեռագրերս, թղթերս, նա-
մակներս ու գրքերս. և տէտ, բիրտ ոստիկաններն
իրենց լարծուն, աղտոտ ձեռներով սկսեցին մէկիկ-մէկիկ
քրքրել այդ բոլորը ու մեկնել իրենց գլխաւորին:

— Այս ի՞նչ գիրք է, այս հաստը, — փոխ-գնդապետը
չեշտեց «հաստ» բառը:

— Պատմական վէպ է, հայոց անցեալից, հեղինակն
է Բաֆֆի, որ մեռած է քսան տարի առաջ. վէպը կոչ-
ւում է «Սամուէլ»:

— Հը, ըմ... քսան տարի առաջ... և դեռ կարդում
են, վերցրէք այս գիրքը, «հայտնա» կը տեսնենք, հրա-
մայից նա ստորագրեալին:

«Այնտեղը» ժանդարմական վարչութիւնն էր:

— Այս ի՞նչ է կարմիր շապկով — նա շեշտեց այս
անգամ «կարմիր» բառը:

— Կարմիր շապկով այս գիրքը պատասխանեցի, կոչ-
ւում է «Խեղճեր», հեղինակութիւն Ա. Ա. Տարոնեանի.
պատմածքների ժողովածու է, հրատարակած Թիֆլի-
սում նոյիսկ Գօլիցինեան ուէթիմի տակ, գրաքննիչի ար-
տօնութեամբ 1903 թւին. հաճեցէք նայել թւականին:

Նա գիրքը շուռ ու մուռ տւեց, անտարբեր կերպով
թերթեց:

— Այո՛, «Խեղճեր»... մոմաւց նա բթի տակ, վեր-
ցրէք, այնտեղ կը տեսնենք, պատւիրեց նա կողքը կանգ-
նած ժանդարմին. գիրքը նետեց պատրաստած պարկի
մէջ Բաֆֆի «Սամուէլի» վրայ:

— Իսկ այս...

— Ֆրանսերէն է, կարող էք կարդալ:

— Ֆրանսերէն չգիտեմ, և պարտական չեմ:

— Բընանի հեղինակութիւնն է, Պիտուսի կեանքը...
— Այ, ա՛յ, ա՛յ, լսել եմ... վերցրէք այս գիրքը...
Եւ Բընանը նոյնպէս մտաւ ոստիկանի պարկը
— Ապա ա՛յս երկուսը:

— Հոմերոսի Ոդիսական և Իլիականի հայերէն թարգմանութիւն, տպւած Վենետիկ:

— Վերցրէք, հրամայեց նա ստորագրեալին:

— Այս ի՞նչ է, այս հաստ գիրքը:

— Ճամբորդական տպաւորութիւններ Իտալիայից, հրատարակած Թիֆլիսում, հեղինակութիւն Ա. Ահա-րոնեանի:

— Ճամբորդութիւն Իտալիայում... հեղինակը բաւա-կան չըլել է. նա ժպտաց նենգօրէն... լաւ երկիր է Իտալիան ասում են... այո, Հռոմն այնտեղ է... Վենե-տիկը... հըմ, հըմ, ըհը... պատկերներ էլ կան, ո՛ւր են պատրաստւած...

— Հաստատ չգիտեմ, բայց կարծեմ ժընկ:

— Ժընկ... վերցրէք այս գիրքը ևս, կը տեսնենք յայնտեղ...:

Անկազմ գիրքը յանկարծ վար ընկաւ ոստիկանի ձեռ-քից, թերթերը ցրու եկան, պատկերները փռւեցին յա-տակին. պրիստաւի հէնց կրունկի մօտ Պատւածածինը մեռած ֆրիստոսը ծնկներին, բիշ այն կողմը Պոլ-սէսը, երբ տասնաբանեայ պատւիրանների տախտակը ձեռքին՝ իջնում է Սենայից և հեռուից տեսնում է ոսկէ հորթի շուրջը անասնոցած ամբոխը. զինւորի հրա-ցանի մօտ ընկած էր պատանի Դաւիթը, որ շեշտ հայեացքը Գողիթի յառած՝ ցած է բերում պարսա-տիկը իր ուսից. բոլորն էլ Միքէլ-Անջելօի գործեր, Ջին-ւորը հրացանի կոթով մօտեցնում էր Լէօնարտօ-դա-Վինչիի, Բաֆայէի, Ս. Անջելօի նկարները, մինչդեռ ոստիկանը անքալով, դժկամակեղով հաւաքում էր բո-լոր և ձիաբեղով ներս էր ածում պարկը. Մաքի և արեւստի այդ տիտանները, որոնք դարեր շարունակ ճշմարտն ու բարձրագոյն գեղեցկութիւնը ասացին մարդկութեանը, վերստին որպէս անպատիւ յանցաւոր-ներ գնացին ռուս օխրանայում իրենց գոյութեան իրա-ւունքը պաշտպանելու: Տիրութեամբ ու ցաւով մտա-ծում էի, որ XX-րդ դարն իսկ ոչինչ, ոչինչ չբերեց այս դժբախտ, այս խաւար Ռուսաստանի համար, ուր իշխում է տափաւին միջնադարեան ամենէն ծանր, ամենէն խեղդող մղձաւանջը:

Ծանր խոհերիցս ինձ վերստին սթափեցրեց փոխ-գնդապետի ձայնը.

— Այս ի՞նչ գիրք է, կէսն էլ ֆրանսերէն:

— Սա Պոլսէս Խորենացին է, հայ պատմագիր V-րդ դարու. թարգմանած բոլոր բաղաբաղկիւթ ազ-գերի լեզուներով, անգամ ռուսերէն. հրատարակած է Վենետիկ:

— Հայ պատմագիր... հը... ըմ... այդ մենք կը տես-նենք յայնտեղ...:

Եւ հազար չորս հարիւր տարի առաջ թշնամիների ձեռքից հալածական մեծ ծերունին, հանձարեղ քեր-թողահայրը՝ XX-րդ դարում տարւեց ռուս ժանդար-ական վարչութիւնը այնտեղ վերստին ասելու համար. —

«Դատաւորը տմարդիք, սուտք, խաբողք, կաշառա-ւուք, անընտրողք իրաւանց, անհաստատք, հակառա-կողք... Հէնք եկեալ անհատք և յոլովից կողմանց, գեր-փումն տանց և յափշտակութիւն ստացւածոց, կապումն գլխաւորաց և բանդք յայտնեաց, յօտարութիւն վտա-րումն ազատաց և անթիւ նեղութիւն ռամկաց...»

Զսպւած զայրոյթս պոռթկաց.

— Պարոն փոխ. գնդապետ, ասացի, եթէ տասնէչորս դար առաջ ապրած պատմագիրը այս աստիճան վտան-գաւոր, այսքան սարսափելի է ռուս պետութեան ամ-բողջութեան համար, ապա շտապեցէք վերցնել և՛ այս, և՛ այս, և՛ այս... ու իրար յեռեկից շարանցի առաջը եղիչէն, Ղազար փարեցին, Եզնիկը, — սրանք բոլորն էլ, աւելացրի ես բարկութիւնից կերկերուն ձայնով, չափա-զանց վտանգաւոր գրքեր են, բոլորն էլ գրւած են նոյն կասկածելի ժամանակներում՝ մեզանից տասնէչորս դար առաջ:

Փոխ. գնդապետը գունատեց, գրքերը թողեց, ոտքի ելաւ լուռութեամբ, ապա դառնալով ստորագրեալներին, պատւիրեց.

— Հաւաքեցէք բոլորն՝ ինչ տեսնում էք այստեղ, լցրէք պարկերը և փոխադրեցէք ժանդարական վար-չութիւն:

Գրքերի ու ձեռագրերի ճակատագիրն այսպիսով վճռւած էր. ես անզօր եղայ փրկել նրանց այս բար-բարոսների ճանկերից, սկսեց միւս սենեակների խու-զարկութիւնը: Բոլոր պահարանները դադարեցին, զգեստ ու սպիտակեղէն, ճաշասեղանի պարագաներ, ան-կողիներ, սփռիչներ, բոլորը, բոլորը թափւեցին յատակի վրայ. ապա անցան խոհանոց, նկուղ, սպասաւորի սե-նեակ, ամեն տեղ, ուր մի աման, մի տաշեղ, մի թել կար, սողոսկաց ժանդարմի, ոստիկանի, լրտեսի ձեռքը:

Ես այլ ևս չէի նայում, չէի հետեւում նրանց արած-ներին, ամսարանը չափազանց նողկալի էր. ես լուռ-թեամբ խմում էի դառնութեան բաժակը և հոգուս մէջ կուտում, ամբարում էր ահագին վիշտն ու ցա-սումը մարդու համար. թշւառ ու սարուկ, երբ հզօրի առաջ է, ահարկու գազան, երբ իշխանութիւն ունի:

Խուզարկութիւնը տեց չորս ժամ. լուսաբաց էր ար-դէն. պատուհանների ապակիները մեղմիւ շառագունե-ցին: Դարձեալ արշալոյս էր, դարձեալ արեւը պիտի ծագէր ու պիտի լուսաւորէր ամենքին, ամենքին գայլ, բորենի, շուն, անգամ այս Բօլշինսկին իր ձիաղային վոհմակով պիտի ծծէին նրա ժպտուն շողերը, ինչպէս բոլոր դարերի, բոլոր աշխարհների ոճրագործները:

Տունս աւերակ էր. արեւն այնտեղ էլ ժպիտ չունէր.

այդ ժպիւրը խամրեց յայնուհեօրէնքի՝ ինձանից աւելի դառնացած էր փոխ-գնդապետը. նա յուսատար էր. այդքան թուղթ ու ձեռագրերի, այդքան նամակների մէջ չգտաւ ո՛չ մի յեղափոխական փաստաթուղթ, գիրք, կոչ, այնուամենայնիւ իր պաղ բիւրերը վրաս յառած, ասաց գոհութեամբ.

— Այժմ դուք բանդ պիտի առաջնորդուիք.

— Գիտեմ.

— Գիտէ՞ք.

— Այո՛.

— Ո՞րտեղից գիտէք...

Ես չպատասխանեցի և մեր հայեացքները հանդիպեցին իրար...

Եւ վշտի ու հեգնանքի ժպիւրը շրթունքներինս, ոստիկաններով շրջապատւած, քայլում էի ամայի փողոցներով դէպի ժանդարմական վարչութիւնը. Այստեղ, մի մութ ու խոնաւ ներքնայարկում ես գտայ բազմաթիւ ծանօթներ ու ընկերներ. Մենակ չէի, այդ գիշեր բազմաթիւ խուզարկութիւններ ու ձերբակալութիւններ էին տեղի ունեցել Թիֆլիսի հայ մտաւորականների շրջանում. Եւ ամեն տեղ հրահանգիչն ու զեկավարը եղել էր նոյն Բոլշևիկին, դժբախտ, արիւնլաւ Լեհաստանի այս անարժան զաւակը:

Պէտք եղաւ 6—7 ժամ առանց կերակրի, զինուորներով շրջապատւած և լռութեան դատապարտւած սպասել խաւար, խոնաւ, գարշահոտ նկուղում, մինչև որ մեզ մէկիկ-մէկիկ կը կանչէին նախնական ձեռակալութիւնները կատարելու. Այստեղ կազմում էր մեր համառոտ կենսագրութիւնը և մեր ցեղագրութիւնը. Գրի էին առնում նաև մեր մօտակարար ու հեռակարար ազգականների անունները, հասարակական դիրքը, բնակավայր ու հասցէ. Այս բոլոր ձեռակալութիւնների մէջ ամենէն նւաստացուցիչը, որ կարող է ըմբոստացնել նոյնիսկ ամենախաղաղ, ամենասառնարիւն խառնածորը, դա մարդաչափական գործողութիւններն են. սովորական ոճրագործներին վերապահւած այս անարգ ձեռակալութիւնը ժանդարմական վարչութիւնը գիտաւորեալ կերպով գործադրում է քաղաքական կալանաւորների վրայ, նրանց վիրաւորելու, անարգելու համար:

Լայն կրծքով, բութ ճակատով և ներքինու գէմքով մի մարդ, հեգնօրէն քաղաքավարի, չափում, չափափում էր մեզ, լուսանկարում էր մի քանի ձեռով, և վերջում նրա պահանջով մենք ստիպւած էինք սև մուրի մէջ թաթախել մեր մատները, մեր ամբողջ ձեռքը թղթերի վրայ դրոշմելու համար:

Եւ այսպէս վիրաւորւած, անարգւած, ինչպէս յետին ոճրագործներ, մենք դառնացած հոգով, դուրս եկանք այն որջից, որի անունն էր ժանդարմական վարչութիւն և գոհ էինք, երբ պատրաստում էին մեզ վերջապէս բանդ առաջնորդել. Մեզ սպասում էր Թափայն աւելի

ծանր փորձութիւն, մեր խնդիրը կառքով բանդ գնալ, հեգնօրէն մերժեցին. Պէտք էր կէսօրից յետոյ ժամը 2-ին, գարնանային մի պայծառ օր ոտքով անցնել մեծ քաղաքի բազմամարդ փողոցներով, շրջապատւած պահակներով. Այդ էլ վնաս չունէր. բայց բանդ առաջնորդելու համար մեզ յանձնեցին կանխաւ հարեցրած կողակների մի բիրտ, վայրենի խմբի. Եւ ժանդարմական վարչութիւնից մինչև բանդ՝ մենք—թւով 10—15 հոգի մտաւորականներ—բշոււմ էինք հայածական, հեիհե, հրացանի կոթը միշտ պատրաստ թիկունքներիս իջնելու, և հայհոյանքի տարափը մեր գլխներին. Մենք չէինք քայլում, այլ վազում էինք, վայ նրան, ով սայթաքում էր սալատակի կոշտ քարերի վրայ, ով նայում էր այս ու այն կողմ, ով մի խօսք էր շշնջում իր ընկերոջը. Բարեբախտաբար ժանդարմական տանը մենք շուտ հասկացանք—կողակներին հարեցրել էին դիմաժար, մեզ շտապեցնում, վազցնում էին դիմամբ, մեզ անարգում, վիրաւորում մեր իսկ բնակավայրում, մեր բարեկամներ ազգականների, մեր ընտանիքների աչքերի առաջ դիմաժար, նպատակը պարզ էր—որեւէ դիմադրութիւն, ըմբոստութեան որեւէ ջնջին արտայայտութիւն և արիւնը պիտի հոսէր. Մենք գիտէինք, որ այդպէս են կոտորել բազմաթիւ կալանաւոր խմբեր ժանդարմական վարչութիւնից մինչև բանդ. Գիտէինք և զգուշացանք. ծայրայեղ զգաստութիւնը մեզ փրկեց. կողակների վայրագութիւնը մնաց անպատասխան, քայլեցինք հապճեպով, հեիհե և երջանիկ էինք... երբ հասանք բանդ, առանց փորձանքի:

Բանդային գրասենեակը, ուր մենք ներս ընկանք այս խելագար վազքից յետոյ, մեզ համար մի փրկարար ապաստան էր. Այստեղ, գրասենեակի մի ծերուկ ծառայող, երբ տեսաւ հարբած կողակների այս վայրենի խումբը, նրանց կարմրած, բորբոքւած դէմքերը, այս կատաղի, արիւնկալած աչքերը, մի վայրկեան գրիչը վար դրեց, նայեց, տխրութեամբ օրօրեց գլուխն ու ասաց կամացուկ.

— Մեծ, շատ մեծ վտանգից էք ազատւել, հրաշք է, որ այս վայրենիները ձեզ չեն կոտորել...

ՏԱՐԱԳԻՐ

Ն Ա Մ Ա Կ Ե Ր Կ Ր Է Ն

Կարին, 14 ապրիլի

Թիւէս 10—12 օր առաջ, երգնկայի մէջ, Սարգիս Գալանձեանի տանը անզգուշութիւնից ռումբ է պայթում և բանդում թէ Սարգսի և թէ նրա հարեանի տունը. Ոստիկանութիւնն անմիջապէս ներս է խուժում, խուզարկութիւն և բնութիւն կատարում, փրատակների տակից հանում է Սարգսի և երկու այլ հայերի դիակները, մի քանի զէնքեր և ուրիշ պայթուցիկ նիւթեր. Այդ դէպքը աւելի ուռցրած ձեռով, Օսմանեան Հեռագրական Գործակալութիւնը հրատարակում է, մի քիչ էլ տենդենցեօզ

բնակորութիւն տալով նրան... իր ասացոյց հայ տարրի անվստահութեան և կարծես թէ տրամադիր էր այդ մասնաւոր դէպքը վերագրելու հրապարակի վրայ յայտնի զազմակերպութեան:

— «Հայերը ուսմբեր են շինում, հայերը ապստամբութեան են պատրաստուում, պայթուցիկ և այլ ռազմամթերք են ամբարում» և այլն: Այս և սրանց նման սենսացիօն լուրերը չափազանցած ձևերով հորովում էին թիւրքերի մէջ:

Բարեբախտաբար, Կարինի կուսակալութիւնը—կենտրոնից եկած յատուկ հրահանգով—ազդարարեց «Յաւաջ»-ում, որ «Երզնկայի պոմպայի պայթիւնը մասնաւոր անհասանելի գործ է, որոնք մասնաւոր շահեր կը հետապնդեն և ոչ մի կապ չունին ընդհանուր հայերի և կազմակերպութիւնների հետ»...

Այդ ազդարարութիւնը, մեր կարծիքով, կառավարութեան խելացի քայլերից մէկն է. պէտք է փոփոխել, որ նման ազդարարութիւնները յաճախ չեն կրկնուում մեր երկրի տակ:

Որքան որ զգոյշ, շրջանկատ տակտիկ է հետևում Կարինի կուսակալութիւնը իր խելացի ազդարարութիւններով և շատ թիւրիմացութիւնների առաջը ժամանակին կարողանում է առնել, նոյնքան անտակտ, սանձարձակ և ամբոխի վայրենի բնազդները գրգռող երեւոյթներ է ստեղծում չեղած տեղից՝ վանի կուսակալ Իզզէթ բէյը:

Առանց բաշելու, նա օրը ցերեկով ժողովներ է գումարում քիւրդ աշիրէթների հետ և աշխատում է ամեն կերպ սիրաշահել նրանց: Անցեալներում կառավարութիւնը պաշտօնապէս զինել էր յայտնի աւազակապետ Շէյխ Սայիդ Ալիի 800 հոգուց բաղկացած հրոսախումբը և Բաղէշից դէպի Վասպուրական ճամբել: Այժմ էլ լսում ենք, որ նոյն կառավարութեան ներկայացուցիչ Իզզէթ բէյը, 100-ի չափ հրացան և համապատասխան ռազմամթերք է ուղարկել Շէյխ Սայիդ Ալիին, իր ձեռքի տակ «անգէն» քրդերին զինելու և հայերի հաւանական (sic!) ապստամբութեանը դիմագրաւելու համար:

Հայերի դրութիւնը Բաղէշի կուսակալութեան մէջ աւելի վտանգաւոր ու լուրջ կերպարանք է ստացել վերջին օրերու: Ահա թէ ինչ է գրում մեր վստահելի ընկերներից մէկը. — «Ուրբաթ, մարտ 29-ի գիշերը, անյայտ մարդկանց ձեռքով դաշոյնի հարւածներով վիրաւորուում է քաղաքիս Գոմաց թաղեցի թիւրք Մուղդաւը, որը նոյն գիշերն էլ մեռնում է: Դէպքը տեղի կունենայ հետեւեալ պարագաների մէջ: Գոմաց թաղի գետեզրին գտնուող մի այրի մէջ Մուղդաւ տնուն թիւրքը կը բռնաբարէ Պարէա տնունով 15—16 տարեկան մի հայ տղայ: Անյայտ մարդիկ վրայ կը հասնին ու յանցանքի տեղում, դաշոյնահար կանեն բռնաբարող թիւրքը:

Հետեւեալ օրը, թիւրք ամբոխը Մուղդաւի դիակը կը տանէ կառավարութեան դուռը և հայերից վրէժ կը պահանջէ: Երբ կառավարութիւնը հանգամանքներու հետ ծանօթանալէ յետոյ կարեւորութիւն չի տար ամբոխին, համարելով այն մասնաւոր դէպք, կատաղած ամբոխը կը յարձակի հայերի տների վրայ, ապակիներ, դռներ կտրատելուց յետոյ՝ կը վիրաւորէ հանգիպող հայու մը, նրա կնոջն ու մօրը: Դրանով էլ չբաւականանալով, նրանք խմբեր կազմած կը յարձակին պատահող և իրենց ճանկն ընկնող հայերի վրայ ու կը վիրաւորեն քանի մը անմեղ հայեր: Բարեբախտաբար Գրիգոր Լուսաւորիչի տօնի առիթով շուկան գոց կըլլայ, ապա թէ ոչ խուժանային սանձարձակութիւնը լայն ու վտանգաւոր չափերի կրնար հասնիլ... Վիրաւոր հայերէն 3-ի դրութիւնը վտանգաւոր է. բռնաբարւած Պարէաը ձերբակալւած է, իսկ թիւրք ամբոխը տակաւին կըսպառնայ հայերուն: Շուկան փակ է, հայերը կը վախնան փողոց դուրս գալ: Հանրագրութեամբ մը բողոքած են պատրիարքարան և կուսակալին: Սպանւած թիւրքի հայրը զինւած կը պատէ հայերու թաղերը և կառավարութեան աչքի առաջ կըսպառնայ սպանել առաջին հանգիպող հայը: Գոմաց թաղի ամբոխավարները կ'աշխատին ընդհանրացնել, բարեբախտաբար չեն աջողիր: Թիւրք ամբոխի յուզմունքը տակաւին չէ անցել, առ այժմ լուր չունինք, թէ ի՞նչ ազդեցութիւն թողած է քաղաքի դէպքը շրջակայ գիւղերուն մէջ...

Թայտնի է, որ Բաղէշի կուսակալութիւնը քրդերով բնակեցրած ամենախիտ նահանգն է՝ հայկական բարձրաւանդակում: Ամենակատաղի աշիրէթապետներն ու կիսանկախ քրդական ցեղերը այդ շրջանումն են բուն դրել:

Քրդական շարժման նշանաւոր պարագլուխներից մէկը—Բեդր-Խան բէկի շառաւիղ Հիւսէին փաշան—այդ շրջանի մէջ գրեթէ մի անկախ իշխանի իրաւունքներ է վայելում և կառավարութիւնը հազիւ թէ յանդգնէ նրան հակառակ քայլ անելու:

Մեր ստացած վերջին տեղեկութիւններից երևում է, որ քրդերը լուրջ շարժման նախօրեակումն են: Թամազ կերպով լուրեր են պատուում, որ նրանք հրաժարուում են ոչխարի վրայ դրած պետական հարկը վճարելու: Պահանջում են այսուհետև գլխահարկ չվերցնել, աշար կոչւած հարկը 10-ից մէկ ստանալ և ոչխարին էլ 50 փարայ: Կառավարութիւնը սկզբից զօրք էր ուղարկել քրդերի դէմ: Եւսօր էլ գնաց, վաղն էլ սպասուում են Մուղից թնդանութներ, որ նորից ճամբայ հանեն քրդերի դէմ: Սակայն կառավարութիւնը իր այդ վարանոտ քայլը աշխատում է ամեն կերպ ծածկել և գաղտնի պահել ժողովրդից: Թւում է թէ ինքն էլ չի հաւատում իր քայլի յաջողութեանը:

Քրդական շարժումը լուրջ կերպարանք է ընդունել մեր կողմերում—գրում է Սղեբդի մեր թղթակիցը—կառավարութիւնը մի կողմից գաղտնի զօրք է զրկում,

միւս կողմից՝ խաղաղ միջոցներով ուզում է շարժման առաջն առնել, նրանց խաթրին չդիպչել։ Այդ երկդիմի քաղաքականութեան արժէքը, սակայն, իրենք քրդերը շատ լաւ գիտեն և գիտակցում են իրենց տրած քայլը՝ Հետզհետէ մտքերը կը լարւին, խնդիրը կը բարդանայ և գուցէ հեռու չէ այն օրը, երբ մենք ականատես կը լինենք աշխարայ ընդհարումների՝ քրդերի և կառավարութեան միջև։

Սենսացիօն լուրերը մէկը միւսից գունեղ, ուռուցիկ, շարունակ գալիս հասնում են մեզ։ Լսածներիս վերապահութեամբ հաղորդեմ այն, որ իբր թէ Մուշից դէպի Բաղէշ աւանդ ճանապարհին, քրդերը զինաթափ են արել կառավարական մի բէօլիւկ — մօտ 250 հոգի...

Այնքան շատ ու յամառ լուրեր ենք ստանում այս ու այն չողմից քրդական շարժման մասին, որ ակամայ ստիպւած ենք հաւատալ...

Վերջին պահուն վանից նամակ ստացաւ, որի մէջ հետեւեալ նորութիւնը կայ. — «Անցեալ ուրբաթ, մարտ 29-ին, Նորաշէն եկեղեցիին բով. Ա. Թերզիբաշեանի բնակարանի դիմաց, երկու կենսալի, երիտասարդ կեանքեր — Խաչիկ Կարմիրշալեան և Խերան — զոհ գնացին անյայտ ոճրագործներու գնդակին։ Ոճրագործներու ո՞վ ըլլալը անյայտ է, բայց գատնելով Թերզիբաշեանի գրած սպառնական նամակէն, կարելի է պնդել, որ չորագործները դրամաշորթներ են։ Ժողովուրդը ճշող տպաւորութեան տակ, խուռն բազմութեամբ հողին յանձնեց զոհերու դիակները։ Ա. Վառմեան մի զգացած, մտրակող դամբանականով երիտասարդներու վրայ պարտականութիւն դրեց գտնել ոճրագործները և պատժել»։

Կարին, 5 մայիս

Քրդական շարժումը սկսում է նաև Մուշի, վանի արևմտեան գաւառներում — Կարկառ, Մոքս, Խիզան։ Այսօր իսկ հեռագիր ստացանք, որ Քըլիի մօտ քրդերը խմբովին յարձակել են հայ գիւղերի վրայ և առայժմ բաւականացել են գոմերն ու մարագները կրակի մատնելով։ Դժուար է գուշակել, որ վաղը այդ շարժումը լայն ծաւալ է ստանալու, քանի որ առիթներն ու դրդիչները անպակաս են։

Չերբակալութիւններն ու խուզարկութիւնները ծայր են տալիս ամենուրեք։ Խուզարկութիւններ են տեղի ունեցել վանում, Մուշում և Երզնկայում՝ Երզնկայի ուսմբերի առիթով։

Իրեք օր առաջ այստեղ էլ, Կարինում, չտեսնւած աղմուկով ու իրարանցումով խուզարկութեան ենթարկւեց տեղիս յայտնի վաճառական և քաղաքական ժողովի անդամ մշիցի վահան Միրիջանեանի բնակարանն ու գրասենեակը։ 4 5 ժամ շարունակ մանրազնին խուզարկելուց և ոչինչ չգտնելուց յետոյ, վահան Միրիջանեանին ձերբակալեցին ու խիստ հսկողութեան տակ 24 ժամ բանտարկելուց յետոյ արձակեցին։ Դրա տան խուզարկութիւնն ու ձերբակալութիւնը հետեւեալն է

Մուշի միւթէսարիքի հեռագրի, որով յայտնում է, որ Մուշի մօտ, վարդենիս գիւղում մի հայ ջորեպան Մնջոյի մօտ, բեռների մէջ զէնք է գտնւած և որ այդ ջորեպանն, ի միջի այլոց, տանելիս է եղել նաև վահան Միրիջանեանի ապրանքները։

Այդ խուզարկութիւնն ու ձերբակալումը ճշող տպաւորութիւն են թողել տեղիս հայ ազգաբնակչութեան վրայ։ Յամառ կերպով խօսում են, որ խուզարկութիւններ և ձերբակալութիւններ պիտի կատարւին մի շարք ուրիշ հայերի մօտ ևս։

Բոլոր նշաններից երևում է, որ եկող գարնան կամ ամառան ամիսները անարիւն չեն անցնելու...

ՅԱՐ-ՅԱՏ

Վ Ե Ր Զ Ի Ն Լ ՈՒ Ր Ե Ր

ՀԱՅԿԱԿԱՆ ԽՆԴԻՐԸ ԱՆԳԼԻԱԿԱՆ ՊԱՐԼԱՄԵՆՏԻ ՄԷՋ

Մայիսի 8-ին Համայնքների պալատում՝ երկու երեսփոխաններ — Աննամ Բրայս և Օ'Կոննոր — հարցապնդում արին հայկական խնդրի մասին։ Նկարագրելով Թիւրքա-Հայաստանի մէջ ստեղծւած տագնապը և յիշատակելով Մեծ Բրիտանիայի յատուկ պարաւաւորութիւնները հայերի նկատմամբ, երկու պատկառելի ճառախօսները մասնաշուքից եղան հայրց հարցի լուծման եղանակի վրայ և շեշտեցին, որ Հայաստանի բարենորոգումները հնարաւոր են միայն եւրոպական երաշխաւորութեան ու հսկողութեան տակ։ Կառավարութեան կողմից Ազնադ որոշ ու կատեգորիկ ձեռք յայտարարեց, որ խաղաղութիւնը կնքելուց, բալկանեան կնճիւնները լուծելուց յետոյ, Անգլիան պիտի յարուցանէ հայկական խնդիրը և պիտի աշխատէ — միւս պետութիւնների հետ ձեռք ձեռք տալով — լուծել այն՝ երկու երեսփոխանների ցուցադրած ձեռքով։ Ինչ վերաբերում է ներկային, անգլիական կառավարութիւնը ամենախիստ ազդարարութիւններ է արել և կը շարունակէ անել Բ. Դրան՝ առաջն առնելու հակահայկական խժգոնութիւններին։

Ն Ի Ի Ր Ա Տ Ի ՈՒ Ի Թ Ի Ի Ն

Արեւմտեան Բիւրօնի ասացած է՝

Նւէր Մ. Նորաշէնկեանէ՝ իր եղբոր մամուլի առիթով՝ 50 մր.:

«Հաս»-ի Երջանային Կամիսէն՝

Հետեւել գիւղերու խումբերէն. — Ջրեղջի Եւանդ խմբ. 62 դահ. 25 փ., Ինճալուցի Սպառազէն 82. 20, Աւերակի Սուրբ-խաչ 82, Բլաւի Մակարեան 30, Պայծառի Բլեյան 1 33, Բողաղեւասանի Լուսին 25 Գեսափի Ծաղիկ 30 20, Պալի Արալոյս 61. 20, Ֆերգիսի Կայծակ 15, Դեսապոյսի Գէորգ 76, Նախիջեւանի Կայծակ 37. 20, Սուրբ Բարսի Փոքրիկ 34. 20, Հայաբնակի Եւանդ 53. 20, Բողաղեանի Իւրաղիկ 51. 30, Մմակի Աղբա 10. 20, Պայծառի Բլեյան 11 18, Պայծառի Արծի 22, Բաշի Սարգիս 30, Ովաթիսի Մարտիկ 5 դահ.:

Ապառաւիտիքի Կամիսէն՝

Նորաշէնի Վրէժ խմբ. 11 դահ., Դարաղլուխի Մրրիկ 25. 10, Կարմիրի Աղաս 24. 10 դահ.: